

Enkontru CA-FDCH Ba Dala-20



Lia Menon



Sr. Longuinhos dos Santos M.M.
Presidenti CA-FDCH

Politika Governu Konstitusionál da-ualu nian, mak oinsá atu hasa'e kualidade rekursu umanu sira, liu hosi programa ne'ebé estabesele ona iha Fundu Dezenvolvimentu Kapital Umanu (FDCH, sigla portugues). Tamba investe ba ema mak sai hanesan riku soin husi ita-nia Nasaun ne'ebé sustentável. VIII Governu Konstitusionál iha kompromisu ida atu fo nafatin importánsia maka'as ba preparasaun rekursu umanu ho kualidade atu nune'e bele kontribui ba iha dezenvolvimentu Nasaun nian iha sétor hotu-hotu, hahú husi nível nasional to'o ba iha munisípiu sira.

Fatór ida mós importante husi politika atu asegura no promove igualdade jéneru iha programa investimentu rekursu umanu sira-nian, liu husi formasaun no mós programa bolsa estudo sira. Nunee, iha implementasaun presiza hametin balansu entre feto ho mane iha formasaun téknika ka profesionál no atribuisaun Bolsa Estudo sira.

Iha tinan 2020, durante período implementasaun orsamentu iha rejime duodesimu nian, Instituisaun Estadu hotu-hotu hasoru difikuldade, maibé rezultadu servisu ne'ebé ita haree hatudu katak, Sekretariadu Tékniku FDCH nian hala'o nia kna'ar ho responsabilidade ba ezeekusaun Dotasaun Orsamentu Temporáriu (DOT) ba tinan 2020.

Maske iha difikuldade, maibé foin lalais liu ba, ita realiza sorumotu Konsellu Administrasaun FDCH (CA-FDCH, sigla portugues) ba dala uluk nian hafoin VIII Governu Konstitusionál eziste, ne'e hanesan orgullu ida no marka istória ida mai ita oinsá bele fahe informasaun no relatóriu ezeekusaun FDCH nian ba iha públiku.

Tuir regulamentu FDCH nian (artigu 6.º), CA-FDCH iha kna'ar hodi aprova Planu Anual Atividades, Relatóriu Ezeekusaun no Planu Aproximamentu ba Fundu nian. Nunee, CA-FDCH aprova tiha ona Planu Atividade ba tinan 2021, ne'ebé iha orsamentu hamutuk ho montante 13 miloes ne'ebé utiliza ba implementa programa prioridade haat hanesan: (i) Formasaun profissional; (ii) Formasaun Tékniku; (iii) Bolsa Estudo; (iv) Tipu Formasaun seluk.

Tama ba iha tinan 2021, informasaun ne'ebé mak importante atu hatoo mak kna'ar ba jestaun Programa Formasaun Tékniku ba funsionáriu no ajente administrasaun públiku sira sei atribui ba INAP no mós Komisaun Funsun Públika. Instituisaun hirak ne'e mak iha kna'ar atu identifika rekursu umanu tuir nesiedade no prioridade Nasaun nian, atu nune'e investimentu bele iha nia retornu no utiliza ba ema nia matenek tuir duni méritu hodi kumpre padraun internasionál hanesan "the right man on the right place".

Hatutan tan katak, dezenvolvimentu kualifikasaun rekursu umanus importante tebes no presiza kontinua halo esforsu nafatin hodi investe iha área ida ne'e, nune'e VIII Governu Konstitusionál, iha tinan 2021, sei oferese Bolsa Estudo foun ba família kbi'it laek sira-nian oan - ne'ebé tama ba UNTL no IPB, liu husi Rejime Espesial hanaran Hakbi'it -, ba Dosente sira husi Instituisaun Ensinu Superior públiku no privadu sira no mós "Bolsa tuir Méritu" ba estudante sira ne'ebé mak atu ba estuda iha rai liur. Iha mós planu atu fó kontinuidade "subsidiu ba estudante finalista sira" no atribui subsidiu foun "apoio propinas" ba estudante sira ne'ebé tama iha Instituisaun Ensinu Superior Privadu Akreditadu sira.

FDCH mós kontinua nafatin fó apoio ba programa hanesan "Estájiu Profisional" ho objetivu ida atu Bolseiru sira ne'ebé remata ona sira-nia estudu hetan tan esperiénsia ne'ebé klean no tasak liu tan molok sira hetan oportunidade aplika ba vaga servisu ruma iha instituisaun públika ka privada.

Atu hakotu, há'u hakarak hatoo lia menon ba ita hotu hodi nafatin kuidadu ita idak-idak nia saúde, tamba pandemia Covid-19 sei nafatin sai hanesan ameasa ba ita hotu. Nunee, sujere atu kontinua kumpre regra hirak ne'ebé rekomenda ona husi Organizaun Mundiál Saúde no Ministériu Saúde, hanesan uza máskara wainhira ba fatin públiku, fase liman bebeik no mós kumpre distánsia sosial. Susesu ba ita hotu.

Longuinhos dos Santos, M.M.
Presidenti CA- FDCH no
Ministro do Ensino Superior, Ciência e Cultura

Lia Menon



Sra. Leila M.L. Carceres dos Santos
Diretora Executiva do
FDCH - MESCC

Uluk nana'in hakarak kumprimenta nafatin sani na'in Bulletin FDCH tomak, espera katak ita boot sira hotu nafatin ho kondisaun ne'ebé di'ak de'it. Aproveita oportunidade ne'e hakarak agradese mos ba sani nain sira hotu tanba nafatin akompania ami nia atividade atraves Bulletin FDCH ida ne'e.

Haktuir dekretu lei foun, Lei número 13/2020 de 15 de abril regulamentu do Fundo de Desenvolvimento do Capital Humano, ita iha objetivu hat, primeiru maka atu asegura finansiamentu ba rekursu umanu nasional, tuir fali maka garante negosiasaun no asina akordus, programas no projeitus plurianuais, i ba objetivu terseiru maka permite retensaun verbas fundu nian iha final tinan finanseiru, ba objetivu ida ikus liu atu promove transparansia no responsabilidade.

Fundu Dezenvolvimentu Kapital Umanu, iha programa 4, programa primeiru maka formasaun profesional ne'ebé nia objetivu maka atu eleva abilidade joventude sira nian atu bele responde ba merkadu de traballu, ba fali formasaun teknika, ida ne'e foka liu ba kapasitasaun ba iha funsionariu publiku sira atu bele melloria diak liu tan sira nia prestasaun de servisu i tuir fali maka programa Bolsa Estudo ida ne'e para atu mos nia objetivu atu aumenta koñesimentu no abillidade akademiku nian ba kontribuisaun dezenvolvimentu Ekonomia nian. No programa ikus liu mak tipu formasaun seluk ne'ebé fo apoiu ba iha Seguransa Defeza no husi Justisa nian i no mos atu hare ba fo apoiu ba iha programa Estajiu Profesional.

Foin lalais ita konsege organiza enkontru CA-FDCH ba dala 20 nian no mos núdar enkontru ba dala uluk nian hafoin Governu da-ualu ne'e kria. Enkontru ida ne'e rasik Prezide husi Presidenti Konsellu Administrasaun FDCH Sua Exelensia Ministru Ensinu Superior Siensia no Kultura Sr. Longuinhos dos Santos, ne'ebé partisipa mos husi Membru Konsellu Administrasaun sira mak hanesan Ministru Justisa, Ministru Petroliu no Minarai inklui Sekretariu Estadu Formasaun profesional no Empregu, enkontru ida ne'e mos sai núdar istoria ida mai iha Fundu Dezenvolvimentu Kapital Umanu.

Iha enkontru Konsellu Administrasaun foin lalais liu ba mos ita konsege halo ona apresiasaun ba iha tetu fiskál 2021 ne'ebé maka simu husi Ministériu Finanzas ho montante millaun \$13, orsamentu ida ne'e sei ezejuta ba programa kontinuada maka hanesan formasaun ba lian Corea no apoiu sentru formasaun, formasaun judisiariu no juridiku, formasaun profesores, Bolsa Estudo kontinuada no estajiu profesionál.

Ba programa foun hanesan bolsa estudo ba "Hakbi'it" ba kbit laek nia oan sira, formasaun lian portugues no preparasaun ano zero ba dosente privadu no públiku no mos formasaun ba funsionariu públiku liu husi INAP. Daudaun ne'e FDCH facilita ona Estudante Bolseirus ne'ebé foin remata sira nia estudo no seidak hetan servisu hamutuk 120 hodi halo estajiu profesionál iha instituisaun públiku no privadu.

Estajiu profesionál ne'e hala'o durante fulan neen nia laran ho Objetivu atu bele hetan esperiénsia no mos manán konfiansa husi instituisaun relevante atu emprega bolseiru sira iha futuro. Tuir kontratu ne'ebé maka FDCH halo estudante bolseiru sira la fó saláriu maibé oferese deit insentivu kada fulan \$ 100 hodi selu transporte no hahán.

Maluk lé na'in Bulletin Trimestral FDCH nian, ita hotu hatene katak dezenvolvimentu rekursu umanu importante tebes, ho nune'e maka ita kontinua esforsu an nafatin hodi investe iha área rekursu umanu. Haktuir dekretu lei Fundus nian ne'ebé termina tiha ona katak Bolsa Estudo ba iha públiku sei responsabiliza husi Fundu Dezenvolvimentu do Kapital Umanu, hodi apoiu programa bolsa estudo foun husi Ministeriu Ensinu Superior Siensa e Kultura ne'ebé atu fo Bolsa Estudo ba dosentes privadu, públiku no Kbit Laek nia oan sira. Bolsa estudo ba funsionariu publik ida ne'e sei responsabiliza husi INAP no CFP.

Núdar Direitora Ezekutiva, lahaluha hakarak mos kongratula ba funsionariu sira hotu ne'ebé mak haknar an iha Sekretariadu Tékniku FDCH ne'ebé mak nafatin hatudu responsabilidade ba servisu sira ne'ebé mak iha.

Huso ba Funsionariu sira hotu iha ST-FDCH atu nafatin hatudu disiplina, kumpri oras servisu no kumpri ba orientasaun husi superior sira no respeita malun .

Ikus liu agradese ba ekipa ne'ebé esforsu an hodi finaliza Bulletin FDCH Volume 22 edisaun Jullu-Setembru ida ne'e, espera katak informasaun sira ne'ebé mak produs husi equipa DEMEREP ida ne'e bele hatan ba públiku nia interesse hodi hakarak hatene informasaun sira kona-ba Fundu Dezenvolvimentu Kapital Umanu.

Leila M.L. Carceres dos Santos
Diretora Executiva do FDCH-MESCC

2. Lia Menon Ministru MESCC
3. Lia Menon Diretora Ezekutiva FDCH
4. Editoriál
5. Dekretu lei nú 13/2020, 15 de Abril Fó Kompeténsia ba CFP ho INAP Verifika Planu, Programa Formasaun no Bolsa Estudu Molok Submete Mai FDCH
6. FDCH Sai Sasin ba Asinatura Nota Entendimentu INCT ho UNPAZ
14. FDCH Konvoka Enkontru ho Inan Aman Bolseiru Kombatentes no Veteranus nia Oan
22. Relatóriu Ezekusaun Orsamentu
23. Liñas Ministeriais Akreditadas
24. LIAN BENEFISIARIUS FDCH
30. Lensa FDCH
38. Perfil FDCH

Responsável Jerál :

Leila M.L Carceres dos Santos,

Diretora Ezekutiva FDCH

Responsável Gabinete Jestaun Sistema Informasaun

Henrique do Rosario (Koordenador GAGESI)

Responsável Redasaun:

Maxi Boavida (Xefi Departamentu Media no Relasaun Públika)

Editor : **Maxi Boavida & Joanico D. Guterres**

Editor Textu : **Joanico D. Guterres**

Jornalista & Fotógrafu : **Joanico D. Guterres,**

Maxi Boavida, Rui A.F. da Silva

Grafismu & Layout : **Maxi Boavida**

Cover Bulletin : **Rui Alberto F. da Silva**

Secretariado Técnico

Fundo de Desenvolvimento do Capital Humano
(FDCH)

Eis Edifício do MF Edifício 5, 1 ° Andar, Palácio do
Governo,

Dili, Timor-Leste

website: www.fdch.gov.tl

email: fdch.mescc@gmail.com

BOLETIM TRIMESTRAL DO FDCH

PROPRIEDADE:

Secretariado Técnico do

Fundo de Desenvolvimento do Capital Humano (FDCH)

IMPRESSÃO: Grafica Nacional, Lda

Estrada de Taibesi Dili, Timor-Leste

TIRAGEM: 700 Exemplares

EDIÇÃO: Abril - Junho 2020

DIREITO DE AUTOR: Protegido

PUBLICAÇÃO:

Secretariado Técnico do FDCH

Sani nain Bulletin Trimestral FDCH ne'ebé mak ami hahí, fiar katak ita boot sira hotu nafatin ho kondisaun ne'ebé Saudavel hodi hala'o ita boot sira nia atividade hanesan bai- bain maske hanesan ita hotu hatene katak mundu dadaun ne'e sei hasoru hela pandemia COVID-19.

Iha Bulletin Trimestral FDCH nian ba edisaun ida ne'e, ami mós prepara ona informasaun importante lubuk ida atu nun'e bele responde mós ba iha sani nain sira nia nesiedade ba informasaun.

Informasaun sira ne'ebé iha Bulletin Trimestral FDCH ida ne'e sei foku liu ba iha enkontru CA-FDCH nian ne'ebé realiza iha trimestre ida ne'e nia laran, no iha mós informasaun importante seluk mós mak hanesan Dekretu lei nú 13/2020, 15 de Abril Fó Kompeténsia ba CFP ho INAP Verifika Planu, Programa Formasaun no Bolsa Estudu Molok Submete Mai FDCH; informasaun kona-ba FDCH ho LMs no Instituisaun Estadu Akreditadu Diskute Harmo-nizasaun Kustu Moris ba Bolseirus; informasaun kona-ba DCH Sai Sasin ba Asinatura Nota Entendimentu INCT ho UNPAZ; informasaun kona-ba Tim-orroan Kuaze 80. 000 Benefisia Ona ba Programa FDCH ; no mós informasaun importante sira seluk tan.

Atu termina, redasaun la-haluha hato'o mós deskulpa ba sani nain sira hotu relaciona ho informasaun balun ne'ebé mak la konsege responde ba sani nain sira nia espetativa, redasaun mós rekoñese katak produsaun Bulletin Trime-stral FDCH nian ne'e sei nafatin dook tebes husi pefeitu, mai redasaun mós nafatin tenta no haka'as an nafatin hodi kontinua hadi'a, iha oportunidade ida ne'e redasaun mós kontinua simu kritika no mós sujestaun husi sani nain sira. Lori equipa tomak ne'ebé haknar an iha ST-FDCH no mós equipa produsaun ba Bulletin Trimestral FDCH nian ne'e hakarak agradese nafatin ba sani nain sira, no mós agradese ba kolaborasaun husi parte hotu nun'e Bulletin trimes-tral FDCH ida ne'e bele finaliza.

Obrigadu

**“” Ema hanesan rikeza Nasaun nian,
ema sai hanesan fatór sentrá ba desenvolvimento nasional,
ita iha rekursu naturais barak nune'e persiza ema atu atu jere,
ema mak importante,
atu ita produs liu husi
““Fundu Desenvolvimento Kapital Umanu””.**

**S.E. Sr. Longuinhas dos Santos, M.M
Presidenti CA-FDCH
Ministro Ensino Superior Ciência e Cultura**



Dekretu lei nú 13/2020, 15 de Abril Fó Kompeténsia ba CFP ho INAP Verifika Planu, Programa Formasaun no Bolsa Estudu Molok Submete Mai FDCH

Atu asesu mai Fundo de Desenvolvimento do Capital Humano sei iha mudansa balun iha tinan 2021 bainhira implementa ona dekreto lei nú 13/2020, 15 de Abril, Regulamentu do FDCH neêbê hetan ona promulgasaun husi Prezidente da Republica Dr. Francisco Guterres “Lu-Olo no publika ona iha Jornal da repúblika.

Kompeténsia neêbê atribui ba Comissão da Função Pública (CFP) ho Instituto Nacional Administração Pública (INAP) maka iha artigu 19, 20, 21 neêbê fó kompeténsia másimu atu instituisaun rua neêbele verifika planu ba programa formasaun no bolsa estudu ba funsionáriu públiku sira husi liña ministerial no instituisaun estadu nian sira molok submete mai iha FDCH hodi hetan aprovasaun husi Conselho Administração FDCH.

Tanba hahú husi 2011-2020 planu no programa ba formasaun no bolsa estudu husi Liña Ministerial no instituisaun estadu akreditadu sira bainhira sira prepara ona sira nia planu no programa sira submete direita mai FDCH liu-hosi Sekretariadu Tékniku Fundo de Desenvolvimento do Capital Humano.

Relasiona ho mudansa ba servisu sira neê, iha loron, 08/07/2020, CFP, INAP ho FDCH halo dizeminasaun no fahe informasaun kona-bá mudansa servisu sira haktuir iha dekreto Lei nú 13/2020, 15 de Abril, Regulamentu FDCH nian ba diretór jerál, Diretór Rekursus umanus no

pontu fokál sira Liña Ministerial sira no Instituisaun estadu akreditadu sira, iha salaun enkontru Ministériu Saúde, Palacio das Cinzas, Caicoli.

Atividade deziminausaun neê loka husi Komissaria CFP Sra. Maria de Jesus Sarmento, Diretór Jerál INAP Sr. Agostinho Letencio no Diretora Ezekutiva FDCH rasik.

Iha apresentasaun Diretora Ezekutiva FDCH Sra. Leila M.L. Carceres dos Santos husu ba parte hotu atu kolabora iha implementasaun regulamentu foun neê hodi kontribui ba dezvoltamentu rekursus umanus nasaun foun neê nian.

“Iha dekreto lei nú 13/2020, 15 de Abril, neêbê promulga ona husi na’i Prezidente iha neêbá iha artigu 19, 202, 21 liu-liu iha artigu 19 neêbê ko’alia liu kona-ba kompeténsia Comissão Função Pública ho INAP atu haree ba programa formasaun no kapasitasaun ba funsionáriu públiku sira no mós bolsa estudu ba funsionáriu sira, entaun saida maka ita halo ita dizamina dekreto lei neê atu fó hanoín ba liña ministerial sira kona-ba mekanizmu neêbê atu implementa iha 2021 iha mudansa,” hatete diretora Ezekutiva FDCH.

Diretora neê haktuir uluk planu no programa Liña Ministerial sira nian submete direita mai iha FDCH liu husi Sekretariadu Tékniku maibé ho dekreto lei foun neê ninia mekanizmu muda tenke submete ba iha CFP no INAP, hodi nunêe bele haree didi’ak kona-ba prioridade ba programa

sira neê nesiedade ka lae no iha duni nesiedade urjente atu responde ka lae.

“Wainhira verifika loos ona, CFP ho INAP la mesak sei hamutuk fali ho FDCH no FDCH sei fornese dadus atu haree para labele iha duplikasaun tanba ami iha dadus neêbê grava iha Beneficiary Management Information System (BMIS) iha neêbá ami iha dadus kompletu kona-ba funsionáriu husi ministériu neêbê sira nia data moris, pozisaun no sira ba ona tuir formasaun dala hira no formasaun iha neêbê para ita labele iha duplikasaun,” hatete DE FDCH.

Iha 2021 FDCH sei servisu integradu ho Liña Ministerial no Instituisaun Estadu sira hotu liu husi CFP ho INAP hodi haree ba investimentu ba rekursus umanus Timor-Leste nian iha area prioritariu sira hodi responde ba nesiedade país nian.

Aléinde apresentasaun husi FDCH iha mós apresentasaun husi Diretór Diresaun Nasionál ba Dezenvolvimentu no Kooperausaun CFP Sr. Francisco da Costa Pereira no Diretór Formasaun INAP Sr. Jose de Araújo Chang hodi apresenta kona-bá papél servisu ida-idak nian.

Atividade dizeminasaun loron sorin neê, hetan partisipasaun másimu husi Diretór Jerál, Diretór Rekursus Umanus no Pontu Fokál sira husi LMs no Instituisaun Estadu Akreditadu sira. (Média_FDCH)

FDCH ho LMs no Instituisaun Estadu Akreditadu Diskute Harmonizasaun Kustu Moris ba Bolseirus



Atu harmoniza Custo da Vida (Kustu Moris) bolseiru sira iha estranjeiru Fundo de Desenvolvimento do Capital Humano (FDCH) hahú halo diskusaun ho Liña Ministerial no Instituisaun Estadu akreditadu sira tan-ba to'o ohin loron kustu moris bolseiru sira nian la hanesan. Ho nunêe iha loron 20/07 Asesora Teknika Sékretariadu Tékniku Fundo de Desenvolvimento do Capital Humano (ST-FDCH) Sra. Ana Paula dos Santos ho Jurista Sr. Atanásio Soares konvoka Encontro de Trabalho Sobre Custo de Vida ba Bolseiros ho Liña Ministeriais (LMs) no Instituisaun Estadu Akreditadu sira ne'ebé ninia bolseirus hala'o estudu iha rai-li'ur.

Objetivu hosi enkontru ne'e hodi halo diskusaun oinsá bele harmoniza kustu hotu-hotu bolseiru sira nian, hanesan Custo de vida, custo saúde, custo didático no Custo Pequiza bazeia ba saláriu mínimo kada nasaun destinadu hodi sai hanesan padraun ba Liña Ministériu no instituisaun estadu akreditadu hotu.

Analiza ba kustu moris bolseiru sira nian ne'e realiza bazeia mos ba baze legal Dekretu Lei no 13/2020, 15 de Abril iha artigu 3 no 2 alinea a "asegurar o financiamento do investimento público a formação e desenvolvimento do recursos humanos nacionais".

Enkontru ne'e rasik iha parte dader hala'o iha salaun Knowledge Center FDCH no iha parte loro-kraik hala'o iha salaun enkontru MESCC iha Colmera.

Durante diskusaun diretór rekursus humanus Diretór Jerál husi LMs no instituisaun estadu akreditadu sira konkorda atu harmoniza kustu moris ba bolseiru sira no sujere FDCH atu kria padraun ida hodi hatoo fali ba LMs no instituisaun estadu akreditadu sira atu haree hamutuk molok apresenta ba Conselho de Administração FDCH hodi hetan aprova-saun.

LMs ho Instituisaun estadu akreditadu mai FDCH hahú hosi 2011 to'o mai ohin loron hamutuk 52 no hosi número ne'e iha LMs ho instituisaun estadu hamutuk 18 mak organiza programa bolsa estudu ba públiku timoroan no funsionáriu públiku sira.

Tuir dadus ne'ebé FDCH iha to'o ohin loron programa bolsa estudu rasik ho ninia beneficiariu hamutuk 5254 husi número ne'e kuaze porsentu 80 (80%) mak termina ona sira ninia estudu no hela porsentu 20 (20%) mak sei ativu hodi hala'o sira ninia estudu iha universidade akreditadu sira iha rai-li'ur nomós rai-laran. (Média_FDCH)



FDCH Sai Sasin ba Asinatura Nota Entendimentu INCT ho UNPAZ



Diretora Ezekutiva Fundo de Desenvolvimento do Capital Humano (FDCH) Sra. Leila M.L Carceres dos Santos sai sasin (Testemuña) ba asinatura Nota Entendimentu entre Universidade da Paz (UNPAZ) ho Instituto Nacional de Ciência e Tecnologia (INCT) neêbé realiza iha Salaun Post Graduasaun Universidade da Paz, Sesta 24/07/2020.

Nota entendimentu neê rasik asina direita hosi Magnifiku Reitor UNPAZ Dr. Adolmando Soares Amaral ho Prezidente INCT Dr. Jose Cornelio Guterres.

Liu hosi estabelesimentu Nota Entendimentu neê UNPAZ ho INCT sei servisu hamutuk iha area importante sira hanesan halo peskiza sientífiku no fó formasaun ba dosente sira iha area peskiza nian no rezultadu peskiza sei publika iha jornal nasional sientífiku neêbé sei estabelese hosi INCT.

Akompania Diretora Ezekutiva partisipa iha event u neê Coordenadór Gabinete de Gestão e Sistema de Informação (GAGE-SI –FDCH) Sr. Henrique do Rosário ho husi parte INCT partisipa mós hosi Vise Prezidente INCT Sr. Afonso de Almeida no representante hosi UNESCO, husi parte universidade nian partisipa mós hosi Senadu Universidade no Dekanu Faculdade, Xefe Unidade sira no Estudante sira.

Universidade da Paz (UNPAZ) nu'udar universidade privadu neêbé harii iha loron 9 Marsu 2004 hodi kontribui formasaun formal ba rekursus umanus Timor-Leste nian. (Média_FDCH)





FDCH-IDN Halo Koordenasaun Kursu Formasaun Avansada Governansa no Lideransa Estratejika

Direitora Ezekutiva Fundo de Desenvolvimento do Capital Humano (FDCH) Sra. Leila Cárceres dos Santos ne'ebé akompaña husi Assesora Sekretariadu Tékniku Fundo de Desenvolvimento do Capital Humano (ST-FDCH) Sra. Ana Paula dos Santos, Teknika Jurista Sra. Estefania Correia no mós Xefi Departamentu Planu no Verifikasaun Sra. Maria Rosa hala'ò enkontru ho Diretor asuntu akademiku IDN.

Objetivu husi enkontru ida ne'e hodi koalia kona-ba Formasaun IDN nian mak hanesan Kursu Formasaun Avansada Governansa no Lideransa Estratejika. Kursu ida ne'e rasik sei fo prioridade ba iha Governantes sira no mós kargus diresaun Superior sira iha administrasaun públika.

Kursu Formasaun Avansada Governansa no Lideransa Estratejika ida ne'e realiza Bazeia ba orientasaun husi Primeiru Ministru ne'ebé haktuir iha despasu husi Xefi Gabinetei Primeiru Ministru ho numeru 671/GPM/VII/2020, 02 Julu 2020 ne'ebé husu apoiu ba formasaun husi IDN ba diresaun superior Administrasaun Publika, no bazeia mós ba despasu husi Ministru Ensinu Superior Siensia no Kultura Sr. Longuinhas dos santos, M.M, iha loron 02 fulan julu 2020, ne'ebé orienta atu nunee FDCH bele trata hela pedidu husi GPM tuir lei ne'ebé mak vigor.

Relasiona ho planu S.E. Primeiro Ministro atu orienta IDN hodi realiza kursu formasaun avansadu ba liderança estratejika hanesan kargu dirasaun superior sira iha administrasaun publika hahu husi dia 06 julu to'o loron 15 setembru 2020 ne'ebé sei realiza iha auditoria Xanana Gusmão iha Ministeriu Finansas, maka gabinetei PM haruka dokumentu refere ba Sua Exa. Ministru Ensinu Superior Siensia no Kultura atu bele apoiu orsamentu total \$. 285,770 hodi fasilita ba lalaok formasaun husi IDN ho susesu. Entertantu enkontru ida ne'e rasik hala'ò iha salaun auditoriu IDN Palasiu Governu. (Media-FDCH).





FDCH Fiskaliza Formasaun Avansada ba Governansa no Lideransa Estratejika

Xefi Departamentu Planu Pesquisa Fiskalizasaun no Verifikasaun (DEPEFIV- FDCH) Sr. Fernando do Nascimento neêbê akompaña husi Tekniku Administrativu DEPEFIV Sr. Prudensio A. D Ribeiro halo fiskalizasaun ba Formasaun Avansada ba Governansa no Lideransa Estratejika neêbê realiza iha Centru Konvensaun Dili (CCD-sigla Portugês).

FDCH hari'i tuir Lei Parlamentu Nasionál nian, neêbê mak hetan aprovasaun husi Orsamentu Jerál Estadu (OJE) ho no 1/2011 iha loron 14 Feveireiru 2011, husi Artigo 9o no mós termu previstu iha Artigo 32o husi Lei Parlamentu no 13/2009, 21 Outubru, neêbê koal-ia kona-ba instrumentu atu konsentra hotu kompetensias hodi determina, finansia no implementa polítika tomak Governu nian ligadu ba dezvoltamentu kualifikasaun, formasaun no kapasitasaun ba rekursus no kapitál umanu iha Timor-Leste.

FDCH mós regula husi Dekretu-Lei no 13/2020 15 de abril kona ba regulamentu ba FDCH, neêbe fo kompetensia ba Secretariado Técnico do FDCH atu fo'ò apoio ba CA-FDCH hodi akompanha, koordena a nivel tecnico, nasional nebe ezequta hosi fundo neê. papel seluk mos ma'ak atu fo asoaria tecnico ba CA-FDCH sobre relevansia ba projetu sira no nesiedade iha fase implementasaun. Iha mo'os delegasaun kompetensia no 340/ GM/MCA – MPIE/XI/2019, neêbe atribui husi CA-FDCH ba Diretora Executiva do FDCH hodi jere no tau matan servisu tomak iha FDCH.

Basei ba mandatus hirak neê ma'ak inportante tebes atu Secretario do FDCH halao kna'ar hodi asegura qualidade iha implementasaun programa atividade ha'at (4) hanesan: 1) Formasaun profisional, 2) Formasaun Tecnico, 3) Bolsas de Estudo, 4) Outros Tipo de Formasaun.

Xefi equipa Monitorizasaun no fiskalizasaun ba formasaun avansada ba governansa no lideransa estratejika hatete katak objetivu husi monitorizasaun no fiskalizasaun neê mak atu nunêe bele hatene kona-ba projeitu ka atividade formasaun neê nia ezistencia.

Objetivu Espesifiku ba planu Monitorizasaun mak oinsa atu hatene kona-ba projeitu ka tividade nia ezistencia, atu verifica no monitoriza implementasaun programa no atividade sira tuir planu, atu sukat kona-ba qualidade no kuantidade benefisiariu sira nian husi programa neêbê hetan ona finansimentu, atu monitoriza lala'ok servisu hosi instituisaun projeitu nain sira nia servisu no atende-mentu, no atu halo levantamentu ida kona-ba kondisaun instituisaun ka fornecedor bá formasaun nia kualifika-saun no akreditasaun. Haktuir husi Fernando do Nascimento Xefi Departamentu Planu Pesquisa Fiskalizasaun no Verifikasaun.

Partisipantes ba formasaun ida neê rasik mai husi Governantes sira no mós kargus Diresaun Superior sira iha Administrasaun Publika hamutuk ema nain 200 neêbê fahe ba turma A – Titulares de Cargos Governativos ema nain 50, turma B- no turma C- Titulares de cargos de direção superior ou equiparados ema nain 100, turma D- Assesores nacionais ou equiparados ema nain 50.

Formasaun ida neê rasik organiza husi Institutu Defeza Nacional (IDN) bazeia ba orientasaun husi Primeiru Ministru no hetan finansimentu husi Fundo de Desenvolvimento do Capital Humano (FDCH). Media-FDCH





FDCH Partisipa iha Jornada orsamental 2021

Diretora Ezekutiva Fundo de Desenvolvimento do Capital Humano (FDCH) Sra. Leila M.L. Cárceres dos Santos neêbé akompaña mós husi Assesora Tekniku Sekretariadu Fundo de Desenvolvimento do Capital Humano (ST-FDCH) Sra. Ana Paula dos Santos no Gabinete do Plano Pesquisa, Fiscalisação e Verificação (GAPPEFIV-FDCH) Sr. Hermenegildo da Silva partisipa iha enkontru Jornada Orsamental 2021 neêbé Prezide husi Primeiru Ministru S.E Sr. Taur Matan Ruak.

Jornada Orsamental ida neê halaõ durante loron ida tomak hodi decide senáriu haat ba tetu fiskal tinan 2021, Jornada Orsamental ida neê ho nia tema “orsamentu atu Rekopera no Hametin Desenvolvimento, no objetivu iha rua ida maka atu define prioridade nasional ba tinan 2021 bazeia ba planu no programa oitavu Governu nian no ida seluk mak atu define tetu fiskal 2021 nian.

Senariu haat iha tetu orsamentu neê mak hanesan sustentavel bazeia ba fundo minarai no reseita ho montante \$ 724.4 milloes, senariu moderadu neêbé ho montante \$ 1.309 billoes, treseiru senariu \$ 1.6 billoes no senariu neêbé boot mak montante \$ 1.7 billoes.

Senariu ida neê sei hein elaborasaun no tetu ho didiak atu nuneê sei apresenta hikas ba iha Konsellu Ministru mak sei decide.

Enkontru ida neê rasik partisipa husi Membru Governu sira , Presidenti Parlamentu Nasional, Tribunal no Xefi Casa Civil, inklui Diretor sira. Enkontru ida neê realiza iha salaun enkontru Ministeriu Finansas,Aitarak Laran. (Media FDCH).





Timoroan Kuaze 80. 000 Benefisia Ona ba Programa FDCH

Investimentu ba rekursus umanus ka kapitál umanu Timor-Leste nian hahú husi Fundo de Desenvolvimento do Capital Humano (FDCH) ninia ezisténsia iha 2011 to'o mai ohin loron hahú hatudu progresu ne'ebé di'ak tanba benefisia ona timoroan lubuk ida iha area oin-oin.

Tuir dadus ne'ebé Fundo de Desenvolvimento do Capital Humano (FDCH) rejistu iha ninia sistema Beneficiary Management Information System (BMIS), hahú husi FDCH ninia ezisténsia iha 2011 to'o mai 2020, rejista ona benefisiariu kuaze 80.000 ne'ebé rejista husi Programa Formasaun Téknika hamutuk 32,408 Formasaun Profisional 30,875, Bolsa Estudu 5,249 no Tipu Formasaun seluk 11,121.

Benefisiariu ba Programa Formasaun Téknika hamutuk 32,408 ne'e mai husi funsióariu públiku ne'ebé durante ne'e hetan oportunidade hodi tuir formasaun iha area oin-oin hodi suporta sira ninia servisu iha administrasaun públiku nian. Benefisiariu ba Formasaun Profisional 30,875 ne'e mai husi Timoroan tomak ne'ebé asesu ba formasaun iha sentru formasaun sira ne'ebé akreditadu iha Sekretariu Estadu Formasaun Profisional no Empregu (SEFOPE) hodi kapasita no prepara sira ba iha merkadu servisu iha rai-laran nomós rai li'ur.

Benefisiariu ba Programa Bolsa Estudu, hahú 2011 to'o 2020 ho total bolseiru hamutuk 5,243 ne'ebé mai husi funsióariu públiku no públiku timoroan ne'ebé hala'o estuda iha universidade hamutuk 303 iha nasaun 24 inklui Timor-Leste. Husi total ne'e na'in 1,231 sei ativu sira ninia estudu, na'in 3,748 gradua ona iha area oi-oin, na'in 259 kansela tanba moras, prestasaun akadémi-

ku la to'o tuir padraun universidade no komete krime, na'in 5 mak mate.

No benefisiariu ne'ebé gradua ona ho nivel edukasaun diploma I hamutuk 159, diploma II na'in 12, diploma III na'in 1,515, diploma IV na'in 22, lisensiatuira (S1) na'in 2,669, Mestradu (S2) na'in 700, Dotoramentu (S3) na'in 177.

Benefisiariu ba ba progama Tipu Formasaun seluk hamutuk 11,121 no benefisiariu hirak ne'e mai husi Institusaun Seguransa, Defeza no Ministériu Públiku.

"Entaun ita forma ona ema hamutuk 80,000 ba area ida ne'ebé ali'ia iha Planu Estratéjiku Dezenvolvimentu Nasionál hanesan area dezenvolvimentu ekonómiku, dezenvolvimentu infraestrutura, kapitál sosiál no kuadru institutional. Ne'e mak progresu ne'ebé mai kedas husi 2011 to'o ago-ra," nia hatete DE FDCH

Benefisiariu ba programa FDCH, liu-liu iha programa bolsa estudu barak liu agora servisu iha administrasaun publika tanba barak liu mai husi funsióariu públiku kuaze 80%, entretantu sira ne'ebé mai husi públiku balun seidauk hetan servisu tanba ne'e FDCH mós iha programa Estájiu Profisional ba sira ne'ebé foin gradua atu ajuda sira hodi hetan esperiénsia servisu.

Ho nune'e tuir rezultadu levantamentu dadus rekursu humanu ezistente hatudu sei menus rekursu humanu iha area téknika nian tanba ne'e ba oin sei halo investimentu barak liu ba iha area téknika, liu-liu melhora sentru formasaun profesionais sira iha rai laran no ensino superior sira atu forma ema iha area téknika.

Fundo de Desenvolvimento do Capital Humano

(FDCH) hari'i liu husi Lei nú 1/II, 14 Feveiru 2011, ne'ebé aprova Orsamentu Jerál Estadu ba 2011, no hanesan Fundu espesial, bazeia ba artigu 32. Lei nú 13/2009, 21 Outubru, kona-ba Orsamentu no Jestaun Finanseira.

FDCH harii sai nu'udar entidade dezenvolvimentu kapitál ka rekursus umanus ne'ebé forte hodi kontribui no reforsa dezenvolvimentu Timor-Leste haktuir objetivu Planu Estratéjiku Dezenvolvimentu Nasionál (PEDN 2011-2030) ne'ebé Timor-Leste hatuur ona nu'udar mata dalan ba dezenvolvimentu nasaun nian.

FDCH harii ho objetivu prinsipál atu investe maka'as ba iha forma rekursus humanus hodi kontribui ba dezenvolvimentu nasional liga ho PEDN. Ho nune'e hahú husi FDCH ninia ezisténsia, fundu ne'e harii mai kedas ho programa haat hanesan Programa Formasaun Profisional hodi investe maka'as ba kapasitasaun foinsa'e sira hodi responde ba merkadu traballu iha rai-laran no rai-li'ur, Programa Formasaun Téknika hodi eleva kapasidade no abilidade funsióariu públiku sira nian, Bolsa Estudu ne'ebé apoiu ba timoroan tomak hodi aumenta sira ninia nivel akadémiku, no tipu programa seluk. (Média_FDCH)





Ekpa Téknika Fundo de Desenvolvimento do Capital Humano (FDCH) neêbé Kompostu husi instituisaun estadu tolu hanesan Secretariado Comissão da Função Publica (SCFP), Instituto Nacional Administração Publica (INAP) ho Sekretariadu Tékniku FDCH iha loron 21/08/2020, apresenta relatório programa formasaun no Bolsa Estudo ba funsionáriu públiku sira hafoin rekolla tiha proposta no planu ba programa formasaun no Bolsa Estudo tinan 2021 husi Liña Ministériu no Instituisaun Estadu Akreditadu sira FDCH nian.

Relatório neê rasik apresenta husi xefe ekipa Sr. Francisco da C. Pereira atuál Diretor Nasionál Formasaun no Dezenvolvimentu CFP, no ekipa neê rasik kompostu husi Koordinadór ba Planu Peskiza no Verifikasaun (GAPPEFIV-FDCH) Sr. Hermengildo da Silva Koordinadór Gabinete ba Sistema no Jestaun Informasaun (GAGESI-FDCH) Sr. Henrique do Rosario, no Sr. Luis dos Anjos Soares nu'udar Tekniku profisionál husi INAP.

Partisipa iha serimónia apresentasaun neê Prezidente CFP Sr. Faustino Cardoso ho ninia Komisáriu sira hanesan Sr. Antonio Freitas no Komisária Sra. Carmeneza Monteiro, Diretora Ezekutiva FDCH Sra. Leila M.L. Carceres dos Santos no Diretor Jerál INAP Sr. Agostinho Letencio hodi halo apresiasaun ba proposta atividade formasaun, bolsa estudo no asisténsia estudo funsionáriu públiku nian ba tinan 2021.

Iha Intervensaun Diretora Ezekutiva Fundo de Desenvolvimento do Capital Humano FDCH Sra. Leila Carceres dos Santos apresia ho servisu neêbé ekipa téknika neê halo no konsidera mós atu implementa programa formasaun no bolsa estudo ba Funsionáriu Públiku sira servisu CFP ho INAP nian importante tebe-tebes.

“Comissão da Função Publica ho INAP iha papêl ida importante tebe-tebes ba iha implementasaun programa formasaun no bolsa estudo ba funsionáriu públiku sira, husi FDCH rasik iha hanoin katak formasaun ho bolsa estudo ba funsionáriu públiku rasik kompeténsia tomak entrega mai iha Comissão Função Publica ho INAP,” dehan Diretora Ezekutiva FDCH iha ninia intervensaun durante enkontru.

Diretora Ezekutiva FDCH husu mós atu halo avaliasaun ba programa bolsa estudo no formasaun neêbé halo tiha ona, hahú husi 2011 to'o ohin loron, investimentu neêbé hala'o tiha ona ninia benefisiáriu maioria mai husi funsionáriu públiku neêbé kuaze porsentu 80 (80%) .

Presiza haree mós programa formasaun no bolsa estudo sira neêbé submete husi Liña Ministeriais no Instituisaun Estadu akreditadu sira tenke fundamenta katak programa sira neê prioridade no nesiedade duni ka lae se programa sira neê jenérikus no báziku mak barak, di'ak liu elimina tiha hodi foku ba programa sira neêbé espesífiku no tuir nesiedade instituisaun nian.

Relatório neê ekipa téknika apresenta hafoin ekipa téknika konvoka tiha enkontru ho Diretor Jerál, Diretor Rekursus Umanus no Pontu Fokál sira hodi halo avaliasaun ba proposta atividade formasaun no bolsa estudo ba funsionáriu públiku sira neêbé sei hala'o iha 2021 tuir prioridade no nesiedade instituisaun ida-idak nian.

Ekipa téknika neê rasik forma husi CFP, INAP ho FDCH iha 12/06/2020 neêbé sai nu'udar ekipa ida hodi halo avaliasaun no revizaun ba planu, programa formasaun no bolsa estudo Liña Ministerial nian molok submete mai iha Sekretariadu Tékniku FDCH hodi submete ba Conselho Administrasaun FDCH nian atu halo aprovasaun. Avaliasaun neê halo bazeia ba deketu Lei nú 13/2020 15 de Abril Regulamentu FDCH nian neêbé atribui mós kompeténsia ba CFP ho INAP.

Atividade apresentasaun neê rasik hala'o iha Sala CFP, Matadoru neêbé partisipa mós husi Koordinadór sira husi FDCH, Asesora Téknika FDCH, Sekretáriu Ezekutivu CFP, Diretor no ekipa Téknika CFP nian. (Média FDCH.)





D.E. FDCH sai Orador ba Debate Públiku iha Selebrasaun Aniversariu AMTL ba dala 15

Diretora Ezekutiva Fundo de Desenvolvimento do Capital Humano (FDCH) Sra. Leila ML Cárceres dos Santos partisipa iha serimónia aniversáriu Assosiasaun Medikus Timor-Leste (AMTL) ba dala 15 no iha oportunidade neê sai mós núdar orador iha debate públiku neêbê organiza husi AMTL ho tema “Importansia husi Investimentu integradu iha setór saúde hodi bele garante prestasaun servisu saúde neêbê dignu ba populasaun iha Timor- Leste” neêbê realiza iha salaun Paroquial Catedral Dili.



Durante Sesaun debate Públiku, dr. Sidonio João neêbê núdar moderador koloka mós pergunta ba Direitora Ezekutiva kona-ba sistema iha FDCH, liga ba iha regulamentu, kriterius neêbê mak estabelese iha Fundus, no prioridade saida mak FDCH trasa atu bele responde ba ejizensia neêbê mak setór saúde dadaun neê enfrenta, lilu iha intermus formasaun kontinuada.

Hatan ba ida neê Diretora Ezekutiva FDCH hatete katak, FDCH atu termina katak áreas prioridades mak saida, programa sira neê, área sira neê tenke identifika mai husi Ministeriu.

“Ba Fundo de Desenvolvimento do Capital Humano atu termina katak áreas prioridades mak saida, programa sira neê, area sira neê tenke identifika mai husi Ministeriu, primeiru, Ministeriu neêbê que mós hetan apoiu husi fundus, i iha mós Hospital Nacional Guido Valadares, i mai tan mós ho INS, entaun parte tolu neê intergradu, tolu neê tenke hamutuk, hamutuk neê significa hatene muitu bem, áreas prioridades saida mak nesiedade duni atu halo investimentu tuir mai ho ida neê mak kuandu proposta mai iha fundus ita hare identifika katak neê prioridades duni ida ne ita hatama iha orsamentu tuir mai”. Hatete Diretora Ezekutiva FDCH Sra. Leila Cárceres dos Santos.

iha oportunidade neê moderador neê mós hatoò katak iha pesoal saúde lubuk ida mak submete ona sira nia dokumentu ba iha Fundo maibé sempre iha dezafius. Hatan ba pergunta ida neê Diretora Ezekutiva FDCH hateten katak iha kolega balun hakarak mós mai atu bele hetan apoiu Estudo no mós ba Formasaun Teknika, no Diretora neê hatete katak, neê tenke fila fali se mai husi Ministeriu Saúde entaun tenke mós mai husi Ministeriu Saúde.

“Intermus koàlia fila fali ba ohin dehan katak iha kolega sira balun hakarak mós mai atu bele hetan apoiu estudo no mós ba formasaun téknika hanoin neê fila fali se ita boot sira tama husi Ministeriu Saúde entaun tenke mós mai husi Ministeriu Saúde, tan dala barak mai direitamente husu iha fundus entaun fundus mak haree fila fali kriterius katak lae ida neê pesoal saúde ministériu saúde nian ida ne mai husi Hospital Nacional Guido Valadares tanba sa mak neê la enkaisa mai iha rekursu umanu Ministeriu Saúde nian, tanba sa mak la hatama planu iha Hospital Nacional Guido Valadares, formasaun teknika INS identifika, formasaun saida mak agora presiza para atu hadi’a, qualidade aumenta kapasidade da pesoal saude, tanba ita hatene katak buat barak ho teknolojia presiza hetan identifikasaun para hatama iha planu no mós orsamentu para depois ita bele tau osan ba para hodi bele realiza”. Hatete Diretora Ezekutiva FDCH Sra. Leila Cárceres dos Santos.

Entretantu akompaña mós Diretora Ezekutiva FDCH Sra. Leila ML. Cárceres dos Santos hodi partisipa iha serimonia neê mak Assesora Sekretariadu Tekniku Fundo de Desenvolvimento do Capital Humano (ST-FDCH) Sra. Ana Paula dos Santos, coordenadora Gabinete Administração Finanças e Recursos Humanos Internos (GAFRHI-FDCH) Sra. Josefina G. Do Nascimento, Xefe Departamento do Sistema Informático (DESTI-FDCH) Sr. Ivo J. B. Belo no mós Xefe Departamento Media e Relação Publico (DEMEREPE-FDCH) Sr. Maximiano Boavida Pereira. (Media-FDCH).





FDCH Konvoka Enkontru ho Inan Aman Bolseiru Kombatenes no Veteranus nia Oan Ne'ebé Hala'o Estudu iha ITS

Atu partilla progresu no dezafiu bolseiru sira nian ba inan aman, iha loron, 03/09/2020 Fundo de Desenvolvimento do Capital Humano (FDCH) konvoka enkontru ida ho inan aman bolseiru Kombatenes no Veteranus nian oan na'in 42 ne'ebé hala'o hela sira ninia estudu iha Institut Teknologi Sepuluh Nopember Surabaya (ITS) Indonézia, iha Auditorium Arquivo Muzeu Resistencia.



Objetivu husi enkontru ne'e atu fahe no relata progresu estudu no dezafiu bolseiru sira nian ba inan aman sira tanba ohin loron bolsirus hirak ne'e tama ona ba semester VI-VII, maibé tanba prorogasaun surtu COVID -19 , bolsirus hirak ne'e maioria mak fila ona mai iha Timor-Leste.

Bolsieru hirak ne'e maske fila ona mai rai moris fatin maibé kontinua hala'o sira ninia estudu ho meius online no maioria hala'o hela sira ninia estájiu kurikulár iha instituisaun estadu no instituisaun privadu sira

ne'ebé simu sira.

Enkontru ne'e rasik loka husi Diretora Eze-kutiva FDCH Sra. Leila Carceres dos Santos ne'ebé akompaña husi Koordinadór no Xefe Departamentu sira FDCH nian.

Diretora Eze-kutiva hatete enkontru ne'e bain-bain hala'o bainhira FDCH halo tiha monitorizasaun ba bolsieru sira mak foin konvoka enkontru ho inan aman maibé ohin loron diferente tanba impaktu husi surtu Covid-19 ne'ebé afeita ba mundu to-mak no provoka bolseiru sira maioria mak hili dalan fila mai Timor-Leste no balun de'it mak ohin loron hela iha Indonézia.

Durante enkontru koordinadora Gabinete do Administração Financas e Recursos Humanos Internos (GAFRHI) Sra. Josefina Goncalves do Nascimento apresenta mós valor kada estudante bolseiru sira nian ba inan aman no dezafiu sira ne'ebé bolseiru sira enfrenta relasiona ho prorogasaun surtu COVID-19.

Bolsierus Kombatenes no Veteranus nia oan hamutuk na'in 42 ne'e nudár beneficiariu dahuluk ba programa bolsa estudu FDCH nian ne'ebé sira dezloka ba hala'o estudu iha Institut Teknologi Sepulu Nopember Sura Baya (ITS) iha tinan 2017. Aléinde halo enkontru ho FDCH, inan aman sira akompaña mós enkontru ho Di-

rektur Kemitraan Global ITS Sra. Dra. Maria Anityasari, Ph.D ho Xefe Departamentu sira iha area estudu ne'ebé timoroan hirak ne'e hala'o sira ninia estudu ba liu husi aplikasaun Zoom (zoom meeting).

Hafoin termina enkontru FDCH entrega mós valor bolseiru sira nian ba inan aman hodi nune'e inan aman mós bele hatene oan sira nia valor oinsá no husu ba inan aman sira atu enkoraja no motiva liután oan sira atu hala'o sira ninia estudu to'o remata.

Inan aman bolseirus kontinua tau fiar no konfiansa mai iha FDCH hodi akompaña bolsiru hirak ne'e durante prosesu estudu nune'e sira bele termina estudu tuir tempu ne'ebé hatuur ona iha kontratu entre bolseiru, inan aman ho FDCH . (Média_FDCH)



KFP Entrega Relatório Rekollamentu Programa Formasaun no Bolsa Estudu Mai FDCH Maioria Formasaun Sei Hala'o Iha Rai Laran



Komisáriu Komisaun Funsan Publika (KFP) Sr. Fausto Freitas da Silva “Liurai Tasi” representa Presidente KFP, iha loron Tersa –Feira 08/09 2020, oficialmente entrega Relatório Rekollamentu Planu Formasaun no Dezenvolvimentu ba funsionáriu públiku sira tinan 2021 mai Diretora Ezekutiva Fundo de Desenvolvimento do Capital Humano Sra. Leila Carceres dos Santos no Diretór Jerál Instituto Nacional Administração Publica (INAP) Sr. Agostinho Letencio .

Serimónia ne'e hala'o iha Sala Reuniaun KFP, Matadoru ne'ebé hahú ho apresentasaun husi Diretór Nasionál Formasaun no Dezenvolvimentu Sr. Francisco da C. Pereira kona-bá prosesu rekollamentu planu no programa formasaun no bolsa estudu ba funsionáriu públiku sira iha tinan 2021 husi Liña Ministerial no Instituisaun Estadu sira ne'ebé akredita no asesu fundu mai iha FDCH.

Durante prosesu rekollamentu, ekipa simu planu husi Liña Ministerial no Instituisaun Estadu Akreditadu hamutuk 41 no planu formasaun ne'ebé submete abranje ba kategoria jenériku ho porsentu 54% no espesífiku 46 %.

Aléinde programa formasaun jenériku no espesífiku iha instituisaun hamutuk 10 mak

submete planu bolsa estudu ho total vaga hamutuk 156 iha area oin-oin ho nivel estudu mestrado (S2) no nivel ki'ik liu mak diploma 2 (D2).

Husi relatório rekollamentu ne'e planu formasaun sira ho porsentu 70 (70%) sei hala'o iha rai laran no porsentu 30 ba formasaun iha rai li'ur ne'ebé barak liu indika fatin formasaun iha nasaun viziñu Indonézia.

Iha intervensaun Diretora Ezekutiva FDCH Sra. Leila Carceres hato'o parabéns ba CFP ne'ebé konsege organiza instituisaun relevante sira hodi ko'alia kona-bá programa formasaun no bolsa estudu ba funsionáriu públiku sira iha 2021, relaciona ho deketu lei nú 13/2020 15 de Abril Regulamentu FDCH nian ne'ebé atribui mós kompeténsia ba CFP ho INAP.

Kona-bá relatório ne'ebé KFP entrega, parte FDCH sei haree no halo mós avaliasaun ba programa sira ne'ebé iha liga ho tetu orsamentu 2021 FDCH nian.

Relatório rekollamentu ne'ebé KFP entrega mai FDCH nu'udar rezultadu ne'ebé ekipa téknika rekolla husi Liña Ministerial no Instituisaun Estadu sira ne'ebé akreditadu mai iha FDCH.

Relaciona ho demanda (Perminta-an) iha programa formasaun no bolsa estudu husi LM

no Instituisaun estadu sira ne'ebé akredita mai iha FDCH kontinua aumenta ba be-beik kada tinan hodi kontribui ba hasa'e abilidade no kapasidade funsionáriu públiku sira nian iha area oin-oin.

FDCH sujere atu LM ho Instituisaun estadu akreditadu sira atu fó énfaze maka'as liu iha formasaun sira ne'ebé espesífiku no hamenus ona formasaun sira ne'ebé jenériku no relasiona ho surtu Covid-19 husu mós atu formasaun hotu-hotu tenke konsentra iha rai-laran.

Maibé husi relatório rekollamentu ne'e hatudu, iha tinan 2021 formasaun ba funsionáriu públiku kontinua aumenta ne'ebé abranje ba kategoria formasaun jenériku nian hanesan formasaun ba lingua formasaun iha servisu administrasaun nian.

Ekipa Téknika ne'e rasik forma husi Secretariado Comissão da Função Publica (SCFP), ho Sekretariadu Tékniku FDCH ne'ebé antes ne'e halo avaliasaun no aprosimasaun ba programa hotu LM ho instituisaun estadu sira nian molok submete mai FDCH . (Média_FDCH)





**FDCH Selebra loron Aniversariu
Konsulta Popular (REFERENDUM) ba dala 21 ho asaun karidade no Peregrinasaun ba
Na'i Feto RAMELAU**

Direitora Ezekutiva Fundo de Desenvolvimento do Capital Humano (FDCH) Sra. Leila Cárceres dos Santos akompania husi Coordenador Gabinete do Gestão e Sistema de Informação (GAGESI-FDCH) Sr. Henrique do Rosario, Coordenadora Gabinete Administração Finanças e Recursos Humanos Internos (GAFRHI-FDCH), Xefi Departamentu Media e Relação Publica (DEMEREPE-FDCH) Sr. Maximiano Boavida pereira, Xefi Departamentu da Administração e Finanças Internas (DAFI-FDCH) Sr. Isidoro Tomas de Vasconcelos no Xefi departamentu Logistica (DEPLO-FDCH) Sr. Domingos da Costa, hamutuk ho funsionariu sira husi Sekretariadu Tekniku Fundo de Desenvolvimento do Capital Humano (ST-FDCH), selebra loron Aniversariu Konsulta Popular (REFERENDUM) ba dala 21 ho atividade asaun karidade iha Santuariu Ramelau.

Atividade Asaun karidade ida ne'e realiza tanba funsionariu sira ne'ebe haknar an iha ST-FDCH ho voluntariu tau hamutuk osan

ituan-ituan nunee hodi sosa sasan bajiku balun no hodi nunee fahe tutan ba ema ne'ebé mak presiza.

Iha oportunidade ne'e equipa ST-FDCH aproveita halo mós peregrinasaun ba Na'i Feto Ramelau.(Media_FDCH).





MESCC Entrega Bolseiru Graduadus 26 ba MAP

Bolseiru Sira Nu'udar Patrimóniu Estadu

Ministériu Ensinu Superior Siénsia no Kultura (MESCC-sigla Portugés) iha loron 01/09 ofisialmente entrega bolseirus graduadus na'in 26 ne'ebé hala'o sira ninia estudu iha area Teknolojia rekursu marina no teknolojia peska nian ba Ministériu Agrikultura no Peska hodi hala'o estájiu profisionál.

Serimónia entrega bolseiru ne'e hala'o direita husi Ministru MESCC S.E. Sr. Longuinhos dos Santos ho Ministru MAP S.E. Sr. Pedro dos Reis ne'ebé akompaña husi Sekretáriu Estadu Peska, Sekretáriu Estadu Arte no Kultura S.E. Sr. Téofilo Caldas, Eis Ministru MAP S.E. Sr. Mariano Asanami Sabino, Diretora Ezekutiva Fundo de Desenvolimento do Capital Humano (FDCH) Sra. Leila Carceres dos Santos no inan aman bolseirus graduadus sira.



Bolseiru graduadu hirak ne'e hala'o sira ninia estudu iha area Teknolojia rekursu marina, teknolojia peska no téknika peska ba hakiak ikan iha Indonézia iha sidade Jakarta, Surabaya no Sulawesi, ne'ebé termina sira ninia estudu ho nivel Diploma III to'o Lisensiatura (S1).



Ministru Ensino Superior Ciência e Cultura S.E. Sr. Longuinhos dos Santos hatete governu kontinua tau prioridade ba dezvoltamentu rekursus umanus país ne'e nian ne'ebé alínea ho Planu Estratéjiku Dezenvolvimentu Nasionál (PEDN) 2011-2030 no Objetivu Dezenvolvimentu Sustentável (ODS)

“Rekursu umanu mak sai hanesan fatór sentrá ba dezentvolvimentu nasaun nian, tanba ne’e alínea ona ho lema ministériu nian, ema sai importante ba nasaun, ida ne’e mak ministériu kria lema ida hatete A qualidade Formação e o Futuro da Nação,” hatete S.E. Ministru Longuinhos dos Santos iha ninia diskursu iha serimónia entrega bolseirus graduadus na’in 26 husi MESCC ba MAP iha Salaun Enkontru MAP, Comoro. 01/09/2020



Tanba ne’e Ministru MESCC konsidera bolseiru graduadu sira sai hanesan rikusoin no sira mak patrimóniu ba dezentvolvimentu nasaun nian.



Iha intervensaun S.E. Ministru Agrikultura no Pesca S.E. Sr. Pedro dos Reis hatete ba sira ne’ebé nudár funsióariu públiku mak hetan bolsa ne’e fila mai kontinua mantein sira ninia servisu no ba sira ne’ebé la’os funsióariu MAP ninia odamatan la taka ba sira.

“Ba sira ne’ebe mak Funsionariu ne’ebe hetan Bolseiru sira nafatin Hala’o sira nia servisu ba sira ne’ebe mak la’os Funsionariu sira mai ho formadu hanesan teknikù sira aprende barak iha ne’eba hodi implementa hodi hein prosesu,” dehan Ministru MAP.

MAP iha meios barak ne’ebé mak ho Parseiru Dezentvolvimentu sira ho investor sira ne’ebé mak iha hela prosesu no iha ona negosiasaun atu tama Timor no sira mak sai hanesan Fini iha ita nia rain atu Rekomenda ba servisu tanba sira hanesan ema formadu, Estadu lakon osan barak ba sira tanba sira mak sai prioridade karik iha investimentu boot.



Representante bolseiru graduadu Leonardo dos Santos Pereira agradece ba investimentu ne’ebé governu investe ona ba sira no husu governu atu utiliza sira tanba sira sai ona patrimóniu estadu nian.



“Ami konsidera sai ona hanesan patrimóniu estadu, maibé ami mós triste kuandu tinan haat gasta ona orsamentu estadu nian ikus mai governu la aproveita ami nia abilidade no ami koñesimentu,” dehan bolseiru graduadu ne’e. (Media-FDCH)





FDCH Konvoka Enkontru CA-FDCH ba dala-20°

Bazeia ba iha Dekreitu-Lei númeru 13/2020 neêbé maka estabese iha artigu 6 neêbé hatur katak atu bele aprova planu anúal Fundu nian, atu bele aprova mós Planu ka relatoriu fundu nia no aprova mós planu atividade aprovizionamentu ba fundu nian ho nuneê maka Fundo de Desenvolvimento do Capital Humano (FDCH) konvoka enkontru Conselho Administração do Fundo de Desenvolvimento do Capital Humano (CA-FDCH) ba dala 20 no ba dala uluk iha VIII Governu Konstitusional, iha Sala Reuniaun Ministériu MES-CC, Colmera.

Enkontru CA-FDCH neê prezide husi Prezidente CA-FDCH S.E. Sr. Longuinhas dos Santos, Ministru Ensinu Superior Siénsia no Kultura no partisipa husi membru permanente CA-FDCH nian hanesan: Ministru Justisa S.E. Sr. Manuel Cárceres da Costa neêbé representa mós Ministru Finansa S.E. Sr. Fernando Hanjam, Ministru Petróleu no Minerais S.E. Sr. Vítor da Conceição Soares no Sekretáriu Estadu Formasaun Profisional no Empregu S.E. Sr. Alarico de Rosário.

Iha nia intervensaun, Presidenti CA-FDCH hatoo katak Enkontru CA-FDCH ida neê núdar enkontru ba dauluk hafoin kria oitavu Governu Konstitusional no neê núdar orgulu ida.

“atu informa katak ita nia enkontru ida neê, hanesan enkontru dahuluk hafoin kria oitavu Governu Konstitusional, neê hanesan orgulu ida mai ita no marka istoria ida ba

ita nia enkontru liliu ba iha Fundo Desenvolvimento Capital Humano nian”. Hatete Prezidenti CA-FDCH atúal Ministru MES-CC Sr. Longuinhas dos Santos.

Presidenti CA-FDCH neê mós hatutan katak, enkontru CA-FDCH ida neê regularmente sei halaò kada tinan ida dala ida, uainhira hakarak atu halo diskusaun ga debate iha asuntu perteneente balun neêbé mak liha liu ba iha Fundo de Desenvolvimento do Capital Humano (FDCH).

Objetivu husi enkontru CA-FDCH ida neê rasik, tuir Presidenti CA-FDCH katak atu apresenta rezultadu atividade hahu husi tinan 2011 toò mai iha tinan 2020 ho agenda prinsipal maka atu aprova planu tetu agregadu neêbé maka ba Fundo de Desenvolvimento do Capital Humano (FDCH).

“ita nia enkontru ida neê, nia objetivu prinsipal maka atu apresenta rezultadu atividade hahu husi 2011 mai toò iha 2020 agora. no prinsipal agenda ida neê maka atu aprova planu tetu agregadu neêbé mak ba fundu dezvoltamentu kapital umanu, ho montante 13 miloes no mós iha audisional balun neêbé mak ita prepara liu husi atividade-atividade fundamentu ba atividade Fundu Kapital umanu nian, iha programa neê haat, neêbé maka prioridade, primeiru maka Formasaun profesional, Formasaun Tekniku, Bolsa Estudu, no mós Tipu Bolsa seluk-seluk”. Hatete Prezidenti CA-FDCH atúal Ministru MESCC Sr. Longuinhas dos Santos.

Hafoin halo tiha abertura husi Presidenti CA-FDCH, kontinua kedan ho apresentasaun husi Direitora Ezeutiva Fundo de Desenvolvimento do Capital Humano (FDCH) Sra. Leila Cárceres dos Santos kona-ba Dekreitu Lei nú 13/2020 15 de Abril, Regulamentu FDCH, Prosesu Implementasaun atividade FDCH; Rezultadu neêbé alkansa dezde 2011 toò mai Agostu 2020; Taxa Ezekusaun Orsamentu 2020 hahú husi fulan Janeiru –Agostu tuir programa kada instituisaun neêbé akredita mai FDCH; no mós halo apresentasaun ba OJE 2021 FDCH nian ho montante \$13 milloens.

Iha dekreitu-lei mensiona mós kona-ba programa 4 neêbé mak perteneente no hatúr klaru ona katak ba formasaun tekniku sira neê atribui ona ba iha INAP no mós Komisaun Funsau Publika ho nuneê mak iha enkontru CA-FDCH ida neê perteneente liu maka sei halo aprovasaun ba planu Orsamentu tetu agregadu \$13 milloens ba FDCH no mós audisional balun neêbé mak presiza duni atu hetan aprovasaun husi CA-FDCH, molok lori ba iha Komisaun Revizaun Orsamentu Politika (KROP), no mós ba toò iha Parlamentu Nasionál no hetan promulgasau husi S.E. Presidenti da Republica Democratica de Timor-Leste.

Durante enkontru CA-FDCH Direitora Ezeutiva FDCH Sra. Leila Carceres dos Santos apresenta Dekreitu Lei nú 13/2020 15 de Abril, Regulamentu FDCH, Prosesu Implementasaun atividade FDCH;

Rezultadu neêbé alkansa dezde 2011 toô mai Agostu 2020; Taxa Ezekusaun Orsamentu 2020 hahú husi fulan Janeiru – Agostu tuir programa kada instituisaun neêbé akredita mai FDCH; no mós halo apresentasaun ba OJE 2021 FDCH nian ho montante \$13 milloens.

Hafoin asiste apresentasaun husi Direit-ora Ezekutiva FDCH Sra. Leila Carceres dos Santos, membru permanente CA-FDCH sira halo mós intervensaun hodi fo mós komentariu kona-ba apresentasaun sira neêbé hatoô husi Direitora Ezekutiva.

Iha nia intervensaun Ministru Petróleu no Minerais S.E. Sr. Víctor da Conceição Soares neêbé núdar membru Permanente CA-FDCH hatoô mós nia apresiasaun ba apresentasaun husi Direitora Ezekutiva.

“hau foin haree apresentasaun furak tebtebes, neêbe representa nesidades prioridades neêbe ita nia desenvolvimentu nasional presiza”. Hatete Ministru Petróleu no Minerais S.E. Sr. Víctor da Conceição Soares.

Ministru Petróleu no Minerais mós propoin atu bele halo mós proposta adisionál ida neêbé relativamente ho enerjia renovaves tantu kona-ba rekursu naturais neêbé relasaun ho oil power por ezemplu enerjia no olikas no mós solar power kona-ba enerjia solar, no mós kona-ba enerjia jeoternika, ho razaun ida katak harak halo redusaun ba iha dependensia ba projesaun ba desenvolvimentu ba oin neêbé dependensia ba petroliu.

Iha oportunidade neê Ministru Petróleu no Minerais neêbé núdar mós beneficiariu ida husi FDCH hatutan katak bazeia ba dekretu-lei neêbé hatete katak formasaun sira neê tengki orienta ba lingua ofisiais liliu ba rejiaun CPLP ho nuneê Ministru neê propoin proposta karik sei halo adisional atu halo formasaun iha portugal. Ministru Justisa S.E. Sr. Manuel Cárceres

da Costa neêbé núdar mós membru permanente CA-FDCH iha nia intervensaun hatoô katak kuandu koalia kona-ba atu foti ema nia kapasidade intelektual mak tengki hadi’a mós ba ema nia vida.

“Haree apresentasaun ohin, atu eleva konesementu kapasidade intelektual funsionarius publikus hau hanoin kuandu ita presiza tau atensaun ba ita nia funsionarius publikus maibe kuandu ita koalia kona-ba atu foti ema nia kapasidade intelektual signifika que ita tengki hadi’a ema nia vida”. Hatete Ministru Justisa S.E. Sr. Manuel Cárceres da Costa iha nia intervensaun.

Ministru neê hatutan katak Benefisiariu sira husi FDCH ba hasai mestradu iha rai liur maibé fila fali mai sira nafatin sai núdar “anak buah”, tuir Ministru neê katak ida neê núdar prezuiju boot ba Estadu, Ministru hatutan mós katak presiza tebes atu koordena ho Komisaun Funsau Publiku atu nuneê ema sira neêbé mak investe ba neê sira nia nivel tengki saê.

“ ita presiza kordenasaun neêbé diak ho komisaun funsau públika para depois ema sira neêbé ita investe ba fo formasaun ka eleva sira nia kapasidade intelektuais sira fila mai sira nia nivel neê tensor saê”. Hatete Ministru Justisa S.E. Sr. Manuel Cárceres da Costa iha nia intervensaun.

Durante nia intervensaun Ministru Justisa mensiona mós kona-ba funsionariu sira husi Ministeriu Justisa hamutuk ema nain 20 neêbé atu ba Coimbra neêbé eskluindu tiha, tuir Ministru neê katak bele invoka tuir artigu 29 husi dekretu-lei númeru 13/2020 no karik iha possibilidade atu haruka sira ba entaun bele karik ba iha fulan Setembru tinan 2021 tanba tuir Ministru neê katak prosesu aprendizajen iha Portugal sei halaô iha fulan Outubru ho nuneê Ministru sujere atu Suspende lai.

Ministru Justisa neêbé núdar membru Permanente CA-FDCH neê hatoô mós katak dadaun neê sira adopta sistema

foun inves haruka defensoria públiku sira atu ba Brasil hodi tuir formasaun maibe sira hili adopta sistema Formasaun neêbé ho maneira Online deit.

“ ba defensoria públiku atu ba Brazil neê ami adopta sistema foun inves de haruka sira ba par pasiar deit diak liu kontratu profesor husi brazil halo formasaun online deit i equipamento sira neê se ita monta hotu iha centru formasaun judisiariu neêba dosente koalia iha Brazil sira iha neê eskola husi neê, problema ituan mak diferensia uza orariu ita ho brazil 12oras de tempu maibé koko atu halo formasaun online deit para depois Juis, Prokuradores, defensores i advogados privadus sira neê lalika ba pasiar iha ema nia rain, ita gasta osan ba dosente ida husi via online maibe formandus sira neê barak liu”. Hatete Ministru Justisa S.E. Sr. Manuel Cárceres da Costa iha nia intervensaun

Sekretariu Estadu Formasaun profesionál no Empregu (SEFOPE) neêbé núdar mós membru permanente iha nia intervensa hatete katak koalia kona-ba área formasaun neê tengki suporta, tengki apoiu masimu.

“atu justifika kona-ba área formasaun ita tengser suporta, ita tengki apoia masimu husi área formasaun, hanesan ohin Ministru sira balun koalia kona-ba área formasaun ba funsionarius no mós ba ita nia joven iha Timor-Leste laran tomak, atu atinji programa ida neê ita tengki apoia ho orsamentu”. Hatete Sekretariu Estadu Formasaun Profesionál no Empregu S.E. Sr. Alarico de Rosário.

Sekretariu Estadu neê hatutan liu tan katak SEFOPE mós iha programa ida atu loke tan área formasaun atu hodi responde ba merkadu traballu internasional, tuir Sekreatiu Estadu katakarseiru sira husu montante trabalador ho númeru neêbé boot, aumenta tan quota neêbé mak iha.

“SEFOPE nia programa ida atu loka tan área formasaun atu hodi responde merkadu internasional ne'ebé husu, sira husu uluk ho agora la hanesan, sira husu nia montante ne'ebé amenta nia quota ne'e amenta, entaun oinsa ita hare ba ida ne'e, ne'e mak ami iha ne'e atu husu haree di diak kona-ba área formasaun tanba ho razaun katak ita iha tempu badak ita sei hakopera tan hamutuk ho japaun, korea mós aumenta nia quota, Australia mós aumenta nia quota, entaun ho ida ne'e mak ami tau interese ida SEFOPE ninia ba liliu mak área formasaun”. Hatete Sekretáriu Estadu Formasaun Profisionál no Empregu S.E. Sr. Alarico de Rosário.



Prezidente CA-FDCH S.E. Sr. Longuinhos dos Santos, atual Ministru Ensinu Superior Siénsia no Kultura iha nia intervensaun, apresia ba intervensaun husi membru permanente CA-FDCH nian no akumula hanoin sira ne'e hotu molok foti desizaun. Maibe molok foti desizaun Prezidenti CA-FDCH halo mós esplikaun knar husi husi CA-FDCH nian mak atu defende liña Ministerial hotu-hotu no la'os deit kada Ministeriu, tuir Prezidenti CA-FDCH katak membru CA-FDCH la'os atu defende deit idak-idak nia Ministeriu maibé reprezenta membru CA-FDCH.

“ ita nia knar husi membru administrasaun ba Fundu Dezenvolvimentu Kapital Umanu ne'e, mai atu defende Liña Ministeriais hotu-hotu, la'os deit kada Ministeriais tanba ita boot sira mai la'os reprezenta Ministeriais deit, maibe reprezenta membru konsellu administrasaun nian ne'e primeiru, nune'e ita nia knar

importansia liu mak ohin hatur ona iha dekretu lei ne'e maibé ita mós tengki tetu kuandu halo aprovasaun, primeiru iha situasaun ida hanesan ne'e, presiza analiza situasaun pandemia Covid-19, ne'ebé mak afeita dadaun, nune'e relasiona ho Sr. Ministru Justisa hatete katak, situasaun hanesan ne'e presiza ita pendentu atividade balun ne'ebé maka atu ba rai liur, ne'e hau konkorda lós, tanba liga mós ita nia kapasidade ba ezekeusaun orsamentu ne'e mós afeta mós, tanba ne'e mak husu ita atu analiza kestoen ida ne'eba. Hatete Prezidenti CA-FDCH atual Ministru MESCC Sr. Longuinhos dos Santos.

Prezidenti CA-FDCH hatutan liu tan iha nia intervensaun kona-ba preokupasaun husi membru permanente CA-FDCH nia kona-ba rekursu umanu sira ne'ebé durante Estadu investe maibé uanhira remata sira nia estudu no fila hikas mai Timor-Leste no la hetan oportunidade ba promosaun iha nivel no mós salariu.

“ kuandu ita nia atividade que instituisaun hotu-hotu atu jere ho diak, mak ema ko'alia dehan ema, ema no ema, ema hanesan rikeza nasaun nian, ema sai hanesan fator sentral ba dezenvolvimentu nasional, portantu ita iha rekursu naturais barak maibé atu jere ne'e ema, tanba ne'e maka ema ne'e importante, se ema ne'e atu produs mak nia hun sentral mak Fundu Dezenvolvimentu Kapital Umanu, karik nune'e kuandu Estadu produs rekursu umanus, ne'ebé mak kada tinan produs no produs se karik mak kada Ministeriu ida karik produs ne'e konsidera husi Ministeriu ne'e rasik hanesan exemplu ita bele tau ema ne'e tuir ninia konesementu ka right men on the right place, ne'e ema temi dehan prosesu da rekursu umanu ne'e hanesan ne'e”. Hatete Prezidenti CA-FDCH atual Ministru MESCC Sr. Longuinhos dos Santos.

Prezidenti CA-FDCH hatutan mós katak Kuandu produs tiha emano depois fila mai la utiliza ema nia matenek ne'e mak ita lakon oportunidade entaun ita la tau

the right men on the right place ne'e ita la tau iha dalan ne'ebé lolos, tanba ne'e Prezidenti CA-FDCH hatete katak nia konkorda maibe ne'e fila fali ba Ministeriu idak-idak maka tengki tau konsiderasaun ba rekursu umanu ne'ebé maka produs ona liu husi Fundu Dezenvolvimentu Kapital Umanu nian.



Hafoin halo tiha intervensaun hodi hatan ba preokupasaun sira ne'ebé hato'o husi membru permanente CA-FDCH sira nia no mós apresiasaun sira ne'e hotu, Prezidenti CA-FDCH kontinua hodi foti desizaun no akumula hanoin hotu husi membru permanente sira no halo aprovasaun ba iha proposta ne'ebé mak iha ho koresaun, signifika kuandu aprova hotu hein adisionál sira ne'ebé maka atu tama, proposta sira ne'ebé mak iha no prezidenti CA-FDCH orienta mós atu efetivu iha tempu badak antes loron 18, atu proposta sira ne'e bele submete no elabora nune'e nia final sei lori ba iha Finansas no mós UPMA hodi bele tama ba iha prosesu KROP, antes lori ba iha Parlamentu Nasional. (Média_FDCH)



Relatório Taxa Ezekusaun Dotação Orsamentu Temporario FDCH

Tabela no. 1 Taxa Ezekusaun Orsamentu kada Programa

Nú	Programa	Orsamentu aloka 2019 (USD)	Orsamentu Aloka bazeia ba DOT kada Fulan 2020	Orsamentu Aloka DOT Janeiro- Setembru (USD)	Totál Despezas (USD)	Balansu (USD)	(%)
1.	Formasaun Profisionál	2,734,550.00	227,879.17	2,050,912.53	551,440.00	1,499,472.53	27%
2.	Formasaun Teknika	6,389,875.20	532,489.60	4,792,406.40	591,498.96	4,201,107.54	12%
3.	Bolsa Estudu	8,704,648.00	725,387.33	6,528,485.97	2,885,835.37	3,640,165.60	44%
4.	Tipu Formasaun Seluk	2,170,926.80	180,910.57	1,628,195.13	759,955.76	871,739.37	46%
Totál		20,000,000.00	1,666,666.67	15,000,000.03	4,788,730.09	10,212,485.04	32%

Tabela 1º iha leten, hatudu taxa ezeekusaun ba programa ha'at (4) duranti fulan ne'én (9) nia laran iha tinan 2020, observa katak FDCH aumenta ona 32% pursentu nebe'e koresponde ho despeza USD 4,787,514.99.

Tabela no.2 Benefisiariu Bazeia ba Tipu Programa no Jeneru

Programa	Feto		Mane		Totál
	Númeru	%	Númeru	%	
Formasaun Profisionál	157	50%	160	50%	317
Formasaun Teknika	185	32%	399	68%	584
Bolsa Estudu	281	37%	477	63%	758
Tipu Formasaun Seluk	88	27%	240	73%	328
Númeru Totál	711	36%	1276	64%	1987

Tabela 2 deskreve númeru Totál benefisiariu bazeia ba tipu programa no jeneru. Haktuir dadus nebe apresenta iha tabela, bele hare katak Totál benefisiariu hamutuk 1987, númeru benefisiariu feto hamutuk 711 representa 36 % no númeru benefisiariu mane hamutuk 1276, representa 64%.

Instituisaun, Despezas Orsamentu no Númeru Benefisiariu

Nu	Instituisaun	Totál Despezas (USD)	Númeru Feto	Númeru Mane	Númeru Total Benefisiariu
1.	MESCC	1,413,800.40	134	202	336
2.	SEFOPE	496,140.00	16	18	34
3.	UNTL	490,368.00	12	49	61
4.	MPM	49,000.00	140	131	271
5.	PNTL	6,179.14		1	1
6.	F-FDTL	83,210.00	3	56	59
7.	ST-FDCH	903,824.27	121	202	323
8.	IDN	132,056.75	66	135	201
9.	ANATL	16,936.00	3	3	6
10.	CNR	20,462.00	5	8	13
11.	MS	418,701.39	70	112	182
12.	INFORDEPE	230,593.21	30	54	84
13.	MJ	279,500.00	49	102	151
14.	MPF	67,412.95	22	53	75
15.	MI	499	8	56	64
16.	MNEC	31,500.00	1		1
17.	RTTL,e.p	1,400.00		10	10
18.	SEII	7,030.00		1	1
19.	PGR	123,747.88	21	58	79
20.	MD	1,050.00		1	1
21.	SEJD	14,406.10	1		1
22.	SECOMS	913	9	24	33
Numeru Total		4,788,730.09			

tabel 3 deskreve kona-ba instituisaun 19 ne'êbe mak konsege ezeekuta D.O.T ho total USD. 2,955,055.84 no total benefisiariu ho total 1,164

LIÑA MINISTERIÁL AKREDITADU IHA FDCH

Lista tabela, Instituisaun akreditadus iha ST- FDCH hó número total 52,
Inklui Secretario Tecnico do FDCH.

1.	Presidência Repúblika(PR)
2.	Tribunal Rekursus (TR)
3.	Inspesaun Jerál Estadu (IGE)
4.	Komisaun Anti Korupsaun, (CAC)
5.	Ministériu Obras Públikas, (MOP)
6.	Instituisaun Nasional Formasaun ba Dosentes no Profesionál Edukasaun, (INFORDEPE)
7.	Ministériu Transportes no Komunikaun, (MTC)
8.	Ministériu Defesa (MD)
9.	Ministériu Finansa (MF)
10.	Komisaun Nasional Aprovisionamentu (CAN)
11.	Provedoria Direitus Humanus no Justisa (PDHJ)
12.	Universidade Nasional Timor Leste (UNTL)
13.	Polisia Sientífika Investigasaun Kriminal (PCIC)
14.	Instituisaun Nasional Administrasaun Públika (INAP)
15.	Ministériu Justisa (MJ)
16.	Prokuradoria Jeral Republika, (PGR)
17.	Sekretária Estadu Igualdade no Inklusaun (SEII)
18.	Ministériu Negósius Estrangeirus no Kooperasaun (MNEC)
19.	Falintil - Forsa Defesa Timor Leste (F-FDTL)
20.	Ministériu Interior (MI)
21.	Polisia Nasional Timor Leste (PNTL)
22.	Ministériu Edukasaun Juventude no Desportu (MEJD)
23.	Ministériu Turismu Komérsiu, no Indústria (MTCI)
24.	Ministériu Saúde (MS)
25.	Sekretaria Estadu Komunikaun Sosial, (SEC-OMS)
26.	Programa Nasional Dezenvolvimentu Sukus, (PNDS)
27.	Ministériu Administrasaun Estatal, (MAE)
28.	Sekretariadu Tékniku ba Fundu Dezenvolvimentu Kapital Umanu, (ST-FDCH)
29.	Sekretaria Estadu Artes no Kultura, (SEAC)
30.	Ministériu Agrikultura no Peskas, (MAP)

31.	Ministériu Solidariedade Sosial no Inklusaun, (MSSI)
32.	Sekretaria Estadu ba Formasaun Profesionál no Empregu (SEFOPE)
33.	Presidência Konsellu Ministrus, (PCM)
34.	Radio Televizaun Timor Leste, (RTTL)
35.	Komisaun Funsan Publika, (CFP)
36.	Sentru Nasional Empregu Formasaun Profisional TIBAR, (CNEFP)
37.	Ministériu Ensinu Superiór Siensia no Kultura, (MESCC)
38.	Ministériu Petroleun Minerais, (MPM)
39.	Sekretariu Estadu Juventude no Despostu, (SEJD)
40.	Autoridade Portuária Timor-Leste (APORTIL)
41.	Autoridade Inspesaun no Fiskalizaun Atividades Ekonomia no Sanitaria, (AIFAESA)
42.	Gabinete Fronteiras Maritimus, (GFM)
43.	Agênsia Nasional ba Avaliasaun Akreditasaun no Akademika , (ANAAA)
44.	Aeroportus no Navegasaun Aérea Timor-Leste (ANATL E.P.)
45.	Arkivu no Museun Resistênsia Timorensa (AMRT)
46.	Sentru Nasional Rehabilitasaun, (CNR)
47.	Instituto Nasional Dezenvolvimentu “Mão de Obra”, (INDMO)
48.	Sekretáriu Estadu Kooperativas,(SECOP)
49.	Hospital Nasional Guido Valadares, (HNGV)
50.	Ministériu Coordenador Asuntu Ekonomia, (MCAE)
51.	Konsellu Imprensa Timor-Leste, (CITL)
52.	Instituisaun Defesa Nasional, (IDN)



LIAN BENEFISIARIU



Lian Benefisiariu:

Lee na'in Bulletin FDCH nian ne'e ami hahi, iha trimestre ne'e Redasaun prepara ona informasaun kona-ba programa LIAN BENEFISIARIU datolu nian, ne'ebé sei halo publikasaun kona-ba susesu benefisiariu sira nian iha programa bolsa estudo ne'ebé governu tau nudár prioridade hodi investe maka'as nune'e bele prepara ninia emar sira atu servisu iha area oin-oin hodi kontribui ba desenvolvimentu nasaun nian.

Tanba ne'e atu hatene hafoin sira termina sira nia estudo fila mai sira servisu iha ne'ebé no kontribuisaun saida mak sira kontribui ba desenvolvimentu nasaun nian iha trimestre ida ne'e Redasaun halibur informasaun balun husi benefisiariu sira iha area bolsa estudo nian ne'ebé termina sira nia estudo iha nasaun oin-oin hanesan Portugal no Jogjakarta- Indonézia.



Maria Cabral : Impaktu Pozitivu Rua Ha'u Hetan Uainhira Termina Estudu



Maria Cabral feto foin-sa'e ida husi Munisipiu Lautem Postu Administrativu Iliomar, ne'ebé nu'udar benefisiáriu ida ba programa bolsa estudu governu liu husi Ministériu Edukasaun no Finasia husi Fundo de Desenvolvimento do Capital Humano (FDCH) hodi ba hala'o estudu iha Universidade koñesidu Domíniu iha rai Portugal iha area direitu.

Wainhira dada lia ho ekipa Média FDCH, Maria haktuir, nia hili estuda iha area direitu tanba direitu ne'e bele sai sentru ba area estudu sira seluk, tanba iha direitu bele estuda direitu ambientál, direitu saúde, direitu penal, direitu sivil, direitu finanseiru, tributariu, direitu administrativu no sira seluk-tan, no termina estudu fasil atu hetan servisu tanba instituisaun hotu-hotu presiza jurista no ne'ebé kualifikadu iha area direitu.

Nune'e mós hala'o estudu iha area direitu lori impaktu ida ne'ebé pozitivu tebes iha vida privadu no forma ema atu sai ema ne'ebé profisionál iha aspetu hotu-hotu.

"Impaktu ne'ebé ha'u hetan uainhira ha'u remata ha'u nia estudu, ha'u bele temi iha impaktu pozitivu rua, pesoalmente no profisionalmente, Pesoalmente ha'u muda, muda iha sentidu ne'ebé di'ak, ha'u muda ba di'ak-liu ha'u ne'ebé iha tinan sia liu-ba, ida ne'e atu dehan katak ha'u la'os desenvolve de'it iha nivel akadémiku maibé ha'u pesoalmente mós crese," hatete Maria Cabral iha ninia knaar fatin Diresaun Nasionál Notariadu, Colmera.

Ho estudu ne'ebé nia hetan husi apoiu governu hafasil tebes nia hodi asesu ba merkadu servisu no konsidera servisu ne'e apropriadu tebes .

"Profisionalmente wainhira ha'u remata ha'u nia estudu, iha ha'u nia area ne'e rasik hafasil ha'u no fasilita ha'u atu tama iha mundu traballu no hafasil ha'u atu hetan traballu ne'ebé apropriadu no dignu tanba kualikér instituisaun ida presiza jurista no ema ne'ebé kualifikadu iha direitu," esplika Maria Cabral. Hanesan benefisiariu ba programa bolsa estudu, Maria Cabral fahe mós esperiênsia kona-ba xave prinsipál tolu ne'ebé presiza kuda iha ita nia-an hanesan:

-Hahalok ne'ebé badinas, badinas iha estuda ho konsentra-saun, badinas tuir atividade positiva sira atu prepara-an ho didi'ak bainhira hetan informasaun anúnsiu bolsa bele pronto hodi konkore ho preparadu.

-Tenke koñese ita ninia frakeza sira, ha'u nia frakeza durante ne'e mak saida, se ha'u nia frakeza iha lian spesífiku liu ne'e saida, hakerek, ko'alia ka rona, se ha'u fraku iha hakerek, ha'u tenke halo progresu iha ida ne'e.

-Ikus liu tenke sai ema ne'ebé pasiênsia, tanba ha'u ko'alia ho ha'u nia esperiênsia rasik, ha'u remata ha'u nia ensinu sekundáriu iha 2006 depois remata tinan ida ha'u tuir kursu informátika, depois ida ne'e ha'u servisu ho nune'e ha'u servisu durante tinan lima nia laran ha'u hein bolsa hodi konkore, no iha tempu ne'ebá ha'u dehan ba ha'u nia-an katak wainhira loron ida bolsa estudu ne'e iha no bolsa estudu ne'e mai ha'u sei la husik bolsa ne'e liu leet de'it.

Hafoin termina estudu iha 2017, fila mai tanba nu'udar funsionáriu publika iha Ministériu Edukasaun nune'e, nia hili hodi re-ativa nu'udar funsionáriu iha gabinete jurídiku Ministériu nian, hafoin ida ne'e hetan fali oferta seluk hodi servisu hanesan asesora Juridika iha Ministériu Justisa, Diresaun Nasionál Servisu Prizional no Reinsesaun Sosial, no ohin loron hala'o servisu hanesan asesora Juridika iha Diresaun Jerál ba Rejistu Notariadu.





Julião da Costa Belo foin-saê ida husi Munisipiu Baucau, nu'udar beneficiariu ba programa bolsa estudo husi Ministériu Edukasaun no hetan finansiamentu husi Fundo de Desenvolvimento do Capital Humano (FDCH), beneficiariu neê hahú ninia estudo iha 2012 iha Portugal iha Siénsia Fízika Kímika ho nivel mestradu no konsege termina estudo iha 2014.

Julião da Costa Belo konsidera ho bolsa neêbê nia hetan husi governu lori impaktu ida neêbê pozitivu tebe-tebes tanba fila mai bele kontribui hodi hanorin iha universidade sira no halo mós peskiza iha area neêbê nia halaõ estudo ba.

“Iha esperiênsia tebe-tebes tanba fila mai bele kontribui liu-liu iha universidade sira neê balun iha universidade privadu no ba halo peskiza buat sira neê hotu ita ba estuda no fila mai implementa,” hateten Julião da Costa Belo bainhira dada lia ho ekipa media FDCH.



Antes ba kontinua estudo mestradu Julião da Costa Belo nu'udar profesór iha Eskola Sekundáriu 10 de Dezembro, no termina tiha estudo fila mai kontinua nafatin halaõ knar nudár profesór iha Eskola Sekundáriu 10 de Dezembro no foin lalais neê mak muda fali ba iha Metinaru.

Impaktu neêbê hetan hafoin termina estudo mestradu lori Julião da Costa Belo hodi hakat luan liután tanba laõs profesór iha ensinu báziku de'it maibé nu'udar mós dosente iha universidade sira hanesan dosente iha Instituto Superior Cristal, dosente parte tempu (part time) iha Universidade Nasionál Timor Lorosaê (UNTL) iha Departamentu Formação de profesores Ensino Basico, no hanesan mós dosente parte tempu iha UNDIL no sai mós hanesan formador vokasionál bainhira INFORDEPE iha programa formasaun no nu'udar mós peskizadór ida iha INCT neêbê halo peskiza ba implementasaun atividade Fízika iha ensinu sekundáriu sira.



Aleinde hanesan profesór Julião da Costa Belo ohin loron nu'udar mós prezidente asosiasaun Fízika neêbê harii ho inisiativa hodi akumulá hotu profesór sira neêbê hanorin iha area fízika, graduadu sira iha area fízika no sira neêbê estudo tiha ona iha area Fízika no misaun asosiasaun neê mak primeiru atu dezenvolve siénsia peskiza ninia iha area hotu-hotu, kria debate sientífiku relasaun semináriu no siénsia fízika ninian.

Julião da Costa Belo fahe mós xave susesu sira oinsá atu konkore ba programa bolsa estudo sira mak hanesan:

- Preparasaun tenke diariamente labele hein bolsa sai mak ita prepara.
- Labele lakon vontade bainhira konkore ona mak la pasa tenke kontinua bebeik .



Antonio Romano : Desentralizasaun Presiza Rekursu Umanu Kualifikadu

Antonio Romano nu'udar benefisiariu ida iha programa bolsa estudo ho nivel estudo mestradu (S2) iha area Governasaun lokál iha Sekolah Tinggi Pembangunan Masyarakat Desa "APMD" iha Indonezia. Bolsa mestradu ne'ebé foinsa'e ne'e konkore hodi ba kontinua ninia estudo organiza husi Ministériu Administrasaun Estatal no Finansia husi Fundo de Desenvolimentu do Capital Humano (FDCH).

Bainhira dada lia ho ekipa Media FDCH iha nia knaar fatin foin lalais ne'e Antonio Romano haktuir nia hili kontinua estudo iha area governasaun lokál tanba ba futuru desentralizasaun ne'e presiza rekursu umanu ne'ebé kualifikadu iha munisipiu hodi halo servisu ho di'ak ho nune'e kapasita-an iha area ne'e importante tebes.

"Ha'u hakarak kontinua ha'u nia edukasaun mestradu iha area ida ne'e, primeiru ha'u hanoin hanesan ne'e, ba futuru buat ida desentralizasaun ne'e presiza mós rekursu umanu, ita atu haforsa ita nia rekursu umanu iha nivel munisipiu atu halo dezvoltimentu ho di'ak entaun ita presiza kapasita-an iha area sira hanesan governu lokál," hateten benefisiariu programa bolsa estudo ne'e.

Molok ba kontinua estudo Mestradu, Antonio Romano nu'udar Funsionáriu públiku iha Rádio Televisaun Timor-Leste (RTTL) no ba tiha hala'o ninia estudo fila mai kontinua kontribui servisu maibé tanba la iha mudansa ho

nune'e hili buka servisu seluk to'o ikus pasa iha Ministériu Administrasaun Estatal, Sekretariadu Tékniku Programa Nasionál Dezenvolvimentu Suku (PNDS) no ohin loron het

an konfiansa hodi okupa kargu Xefe Departamentu ba Komunikaun nian.

Maske okupa ona kargu Xefe Departamentu maibé kona-ba aproveitamentu bainhira termina ninia estudo ladún par ho servisu ne'ebé ohin loron nia iha tanba foti estudo iha Governasaun Lokál maibé agora tama fali ba iha Komunikaun ne'ebé bazeia de'it ba esperiénsia servisu durante tinan 10 res-in iha RTTL.

Aléinde ko'alia kona-ba impaktu sira ne'ebé hetan hafoin termina estudo benefisiariu ne'e fahe mós informasaun kona-ba xave susesu sira atu konkore ba programa bolsa estudo sira mak hanesan :

-Husu no nafatin harohan ba Maromak atu akompaña nafatin ita.

-Buka referénsia barak husi area estudo ne'ebé ita hakarak foti nune'e bele fasilita ita pasa.

-Dala ruma tuir konkursu ba bolsa ruma ita lakon , lalika hanoin ne'e ita lakon no ita labele ona, maibé nafatin esforsu atu bele hetan rezultadu iha loron ikus.



FDCH Halo Audiência ho Komisaun G Parlamentu Nasionál

Ministru Ensinu Superior Siénsia no Kultura S.E Sr. Longuinhos dos Santos akompaña mós husi Diretora Ezekutiva Fundo de Desenvolvimento do Capital Humano (FDCH) Sra. Leila Carceres nomós dirijente sira seluk husi instituisaun tutela ba MESCC hanesan , Universidade Nasionál Timor-Lorosaê (UNTL), Agência Nacional para



a Avaliação e Acreditação Académica (ANAAA) , Instituto Nacional Ciência e Tecnologia (INCT), Instituto Politécnico Betano (IPB) no Komisaun Nasionál ba UNESCO iha loron 23/09/2020, halo audiência ho Komisaun G Parlamentu Nasionál neêbé trata asuntu Edukasaun, Juventude Kultura no Cidadania hodi halo esplikaun ba ezekeusaun ba programa no Orsamentu Jerál Estadu (OJE) 2020 neêbé aloka ba Ministériu no Instituisaun indireta no direta sira MESCC nian.

Durante audiência Diretora Ezekutiva FDCH Sra. Leila Carceres dos Santos apresenta ezekeusaun ba planu , programa no orsamentu livru 6 2020 FDCH nian no apresenta mós susesu sira neêbé FDCH atinje durante neê, iha programa principal haat neêbe FDCH iha hanesan Formasaun Teknika, Formasaun Profisional, Bolsa Estudu no Tipu Formasaun seluk.



Audiência ho komisaun G neê realiza iha sala GMPTL, neêbé prezide husi Prezidente Komisaun G S.E Sr. Deputadu Antonio Verdial neêbé partisipa mós husi Vise Prezidente Komisaun G S.E. Sra. Deputada Josefa dos Santos, deputadu no deputada sira membru komisaun G nian.

Deputadu sira iha komisaun G sujere atu FDCH haforsa liután servisu hodi kontribui maka'as ba deenvolvimentu rekursus umanus Timor-Leste nian iha area importante sira.





FDCH-SEFOPE Realiza Enkontru Koalia Kona-ba Orsamentu Adisionál

Direitora Ezekutiva FDCH Sra.Leila ML.Cárceres dos Santos hamutuk ho Koordinador no mós Xefi Departamentu sira iha Sekretariadu Tekniku Fundu de Dezenvolvimentu do kapital Umanu (FDCH-sigla Portugés) hala'õ enkontru ho equipa husi Sekretariadu Estadu Formasaun Profisionál no Empregu (SEFOPE) iha Salaun enkontru Ministeriu Ensину Superior Siênsia no Kultura (MESCC-sigla Portugés) Kolmera.

Objetivu husi enkontru ne'e mak SEFOPE mai koalia atu husu kona-ba Orsamentu Adisionál ba programa formasaun lian Korea ne'ebé mak atu loka iha munisipiu Baucau, Ermera, Ainaru no mós RAEOA.

Iha oportunidade hanesan koalia mós kona-ba Sentru Formasaun ba Joventude atu realiza On the Job training (OJT) inklui atu halo mós formasaun Training of Trainers (ToT).

Hatan ba kestaun ne'e, Direitora Ezekutiva FDCH hatete katak FDCH sei halo analiza orsamentu ne'ebé aloka ba 2021 no mós sei koko atu responde ba preokupasaun husi SEFOPE. (Media_FDCH)





Direitora Ezekutiva sai núdear orador iha Aniversariu AMTL nian ba dala 15 ho tema “Importansia husi Investimentu integradu iha setór saúde hodi bele garante prestasaun servisu saúde nêbé dignu ba populausaun iha Timor- Leste”



Direitora Ezekutiva akompaña husi Assesora Teknika FDCH hala’o enkontru ho dirijente Asosiasaun Fizika Timor-Leste (AFTL).



Direitora Ezekutiva FDCH, akompaña mós husi Assesora Teknika FDCH, Koordinadora GAFRHI no Xefi Departamentu IT partisipa iha Aniversariu AMTL ba dala 15.




Dirijente husi Asosiasaun Fizika Timor-Leste hala’o enkontru ho Direitora Ezekutiva FDCH hodi koalio kona-ba oinsa atu asesu ba ia FDCH.



Sesaun foto hamutuk uainhira remata sesaun debate publiku.



Sesaun Foto hamutuk hafain remata enkontru entre Direitora Ezekutiva FDCH ho Asosiasaun Fizika Timor-Leste.



Komisáriu KFP Sr. Fausto Freitas da Silva “Liurai Tasi” reprezenta Prezidenti KFP, ofisialmente entrega Relatóriu ba Direotora Ezekutiva FDCH Sra. Leila Carceres dos Santos



Sesaun Foto hamutuk ho Vice Primeira Ministra Sra. Armanda Berta uanhira halaò vizita badak ba iha Ministeriu MESCC.



Komisáriu KFP Sr. Fausto Freitas da Silva “Liurai Tasi” reprezenta Prezidenti KFP, ofisialmente entrega Relatóriu ba Direotora Ezekutiva FDCH Sra. Leila Carceres dos Santos




Vice Primeira Ministra konversa hela ho Direotora Ezekutiva FDCH.



Diretór Jerál Instituto Nacional Administração Publica (INAP) Sr. Agostinho Letencio entrega hela Dokumentu balun ba Koordinator GAPPEFIV Sr. Hermenegildo da Silva



Sekretariu Estadu Arte no Kultura Sr. Teofilho Caldas konversa hela ho Direotora Ezekutiva FDCH ia okaziaun balun.



Diretora Ezekutiva FDCH Sra. Leila M.L. Carceres dos Santos entrega mos sertifikadu ba partisipante workshop “Gender Equality and Economy Development”



Direitora Ezekutiva FDCH halo hela esplikasaun ba Bolseirus ITS nia Inan-Aman hafoin realiza enkontru Via Aplikasi Zoom ho Universidade ITS



Diretora Ezekutiva FDCH Sra. Leila M.L. Carceres dos Santos participa iha serimónia empowering women Leaders iha salaun UNDP Knua Juventude Fila-Liman, Patéo




Inan-Aman Bolseirus ITS rona hela esplikasaun husi Direitora Ezekutiva FDCH kona-ba Bolseirus sira iha ITS



Sesaun foto hamutuk konvidadu importante sira ho partisipante workshop “Gender Equality and Economy Development”



Reprezentante inan aman Bolseirus FDCH iha ITS hato'o hela pergunta ba Direitora Ezekutiva relaciona ho Bolseirus sira nia estudu iha ITS



Direitora Executiva FDCH sai assinando a nota de entendimento entre INCT e UNPAZ



Diretora Executiva FDCH acompanhada pelo Ministro da MESA, participando de uma reunião com o KROP.



Diretora Executiva FDCH sai assinando a nota de entendimento entre INCT e UNPAZ




Diretora Executiva FDCH Sra. Leila Carceres dos Santos apresentando-se ao KROP.



Sessão de fotos após a assinatura da nota de entendimento entre INCT e UNPAZ.



Vice Primeira Ministra Sra. Armanda Berta liderando uma reunião com o KROP.



Direitor ANAAA Prof. Dr. Edmundo Viegas núdár Presidenti Komisaun Organizadora prezide hela enkontru ho equipa Komisaun Organizadora hodi traça Planu ba Selebrasaun loron Nasional Ensinu Superior no Kultura no mós 10º Aniversariu ANAAA



Ministru MESCC Sr. Longuinhos dos Santos, akompña mós husi Sekretariu Estadu Arte no Kultura Sr. Teofilho Caldas no Dirijentes sira iha MESCC halo enkontru ho equipa rekoperasaun Ekonomia iha salaun enkontru MESCC.



Direitora Jerál MESCC Sra. Filomena Lay halo intervensaun iha momentu balun durante diskusaun entre Komisaun Organizadora.




Ministru MESCC Sr. Longuinhos dos Santos, akompña mós husi Sekretariu Estadu Arte no Kultura Sr. Teofilho Caldas no Dirijentes sira iha MESCC halo enkontru ho equipa rekoperasaun Ekonomia iha salaun enkontru MESCC



Sra. Jacinta dos Santos Guterres núdár Sekretaria Komisaun organizadora hato'o hela intervensaun iha momentu realizasaun enkontru Komisaun Organizadora.



Sesaun foto hamutuk hafain remata enkontru nêbe realiza iha salaun enkontru MESCC.



Lansamentu Implementasaun Sistema
Rekoñesimentu Abilidade Anterior ba área turismu no
Otelária iha ETDA



equipa Monitorizasaun husi GAPPEFIV-FDCH halo hela
Monitorizasaun ba Formasaun.



Direitora Ezekutiva FDCH komprimenta hela
Sekretariu Estadu SEFOPE




Sr. Prudensio Dias halo hela esplikasaun kona-ba
lalaok Monitorizasaun ba formandus sira.



Ministru MCAE, SEFOPE no D.E. FDCH rona hela
aprezentasaun husi Diretor sentru Formasaun ETDA.



equipa monitorizasaun fahe hela Formulariu
monitorizasaun ba Formandus sira.



Primeiru Ministru S.E. Sr. Taur Matan Ruak, halo hela diskursu iha momentu Panorama Orsamental 2021.



Koordenador GAPLO Sr. Eusebio Barreto partisipa iha Serimonia Inagurasaun Auditoriu CFP iha Komoro Dili.



Membru Governu sira rona hela diskursu husi Primeiru Ministru iha momentu Panorama Orsamental 2021.




Koordenador GAPLO Sr. Eusebio Barreto partisipa iha Serimonia Inagurasaun Auditoriu CFP iha Komoro Dili.



Direitora Ezekutiva FDCH Sra. Leila Carceres dos Santos partisipa iha enkontru Panorama Orsamental 2021.



Sesaun foto hamutuk hafoin serimonia Inagurasaun Auditoriu CFP no Intrega Sertifikadu ba Kursu AAR no Assinatura Kooperasaun entre CFP no UNPAZ.



Direitora Ezekutiva FDCH Sra. Leila Carceres dos Santos akompaña mós husi Koordenadora GAFRHI-FDCH Sra. Josefina G. do Nascimento partisipa iha serimonia abertura ba Kursu Pedalojia ba dosente sira husi UNPAZ nian iha CFP Komoro Dili.



Equipa MESCC ne'ebé lidera husi Ministru MESCC partisipa iha audensia públiku ho Komisaun G Parlamentu Nasional.



Direitora Ezekutiva FDCH Sra. Leila Carceres dos Santos halo hela diskursu iha momentu abertura Kursu Pedalojia ba dosente sira husi UNPAZ nian iha CFP Komoro Dili.



Ministru MESCC S.E. Sr. Longuinhas dos Santos halo hela esplikasaun ba iha Komisaun G Parlamentu Nasional.



Direitora Ezekutiva FDCH Sra. Leila Carceres dos Santos halo hela diskursu iha momentu abertura Kursu Pedalojia ba dosente sira husi UNPAZ nian iha CFP Komoro Dili.



Direitora Ezekutiva FDCH Sra. Leila Carceres dos Santos halo hela apresentasaun iha ambitu enkontru audensia ho Komisaun G Parlamentu Nasional.

PERFIL FDCH



FUNDO DE DESENVOLVIMENTO DO CAPITAL HUMANO

KONA-BÁ FDCH

Fundo de Desenvolvimento do Capital Humano (FDCH) hari'i liu husi Lei n.º 1/II, 14 Fevereiro 2011, ne'ebé aprova Orsamentu Jerál Estadu ba 2011, no hanesan Fundu espesiál, bazeia ba artigu 32.º Lei n.º 13/2009, 21 Outubru, kona-ba Orsamentu no Jestaun Finanseira.

Kriasaun ba Fundu ida ne'e haree liu ba nesesidade kapasitasaun no desenvolve rekursus umanus nasionais bazeia ba nesesidade Timor-Leste nian, ne'ebé permiti investimentu ida ne'ebé sériu no adaptadu, ho possibilidade hodi planeia, jere no ezekuta programas plurianuais, nesesidade ida ba desenvolvimento programas formasaun ba durasaun ne'ebé naruk no continuidade ba programa sira iha tinan ne'ebé naruk.

Baze Legal

FDCH regulamenta husi Dekretu-Lei n.º 13/2020, 15 Abril, ne'ebé regulamentu refere introduz kompozisaun ba Conselho de Administração do FDCH (CA-FDCH) ho ninia kompeténsia rasik no mós funcionamentu ba CA-FDCH rasik. Além de ne'e, regula mós funcionamentu Secretariado Técnico do FDCH nudár entidade ne'ebé fó apoiu ba CA-FDCH. Iha parte seluk, diploma ida ne'e mós estabelese regras no kritérius ne'ebé ezijente no transparente ba programas, projetus no atividades objetu ba finansiamentu Fundu nian, no defini mós papel ativa husi parte Governu nian hodi estabelese prioridades iha matéria kapasitasaun rekursus umanus nasionais, bazeia ba liñas jerais política governamental nian.

Fins no objetivu

Regula iha artigu 3.º Dekretu-Lei n.º 13/2020, 15 Abril, finalidade Fundu nian maka atu finansia programas no projetus plurianuais ba formasaun no desenvolvimento rekursus umanus hodi kapasita kuadru nasional sira iha setór estratégiku ba desenvolvimento nasaun nian.

Objetivu Fundu nian maka

- a) Asegura finansiamentu ba investimentu públiku liu iha formasaun no desenvolvimento rekursus umanus nasionais;
- b) Garante seguransa iha negosiasaun no assinatura ba akordus, programas no projetus plurianuais;
- c) Permite retensaun verbas Fundu nian iha final kada tinan finanseiru, ho objetivu atu garante continuidade ba programas no projetus;
- d) Promove transparénsia no responsabilidade liu husi hadi'a sistema reporte no prestasaun kontas kona-ba eze-kusaun programas no projetus formasaun no desenvolvimento kapital umanu.

CA-FDCH

Bazeia ba artigu 5.º. Dekretu-Lei n.º 13/2020, 15 Abril, Conselho de Administração do FDCH (CA-FDCH) kompostu husi Ministru Ensinu Superiór, Siénsia no Kultura (MESCC) nudár Prezidente, no mós ninia membru sira maka hanesan Ministru Finanzas, Ministru Justisa, Ministru Petróleu no Minerais no Sekretáriu Estadu Formasaun Profisionál no Empregu.

Haktuir iha artigu 6.o Dekretu-Lei hanesan, CA-FDCH iha kompeténsia hanesan tuir mai neê:

- a) Aprova planu asaun anual Fundu nian;
- b) Aprova proposta orsamentu anual Fundu nian;
- c) Aprova planu aprovizionamentu anual Fundu nian;
- d) Aprova relatóriu atividades anual Fundu nian;
- e) Aprova relatóriu kontas anual Fundu nian;
- f) Aprova relatóriu anual aprovizionamentu Fundu nian;
- g) Aprova programas, projetus no atividades seluk neêbé atu finansia husi Fundu, no mós estimativa ba kustu sira, bazeia ba prioridades neêbé estabelese husi Konsellu Ministrus;
- h) Aprova opsaun sira ba finansionamentu kada programa no projetu neêbé atu finansia;
- i) Autoriza pagamentus no despesas tomak neêbé realiza husi Fundu.

CA-FDCH bele delga ba Diretór Ezekutivu kompeténsia sira neêbé prevista iha alínea g) toô i) husi artigu 6.o Dekretu-Lei n.o 13/2020, 15 Abril, neêbé reflète iha parágrafu anteriór.

Funsionamentu CA-FDCH

Regula iha 7.o Dekretu-Lei n.o 13/2020, 15 Abril, Funsionamentu ba CA-FDCH nian, hanesan tuir mai neê:

- a) CA-FDCH reúne, ordinariamente, tinan ida dala ida, no bainhira konvoka husi Prezidente liu husi ninia inisiativa rasik ka liu husi rekerimentu maioria husi ninia membru sira.
- b) Diretór Ezekutivu konvokadu hodi partisipa mós iha reuniaun sira CA-FDCH nian, maibé laiha direitu ba votu.
- c) Bele mós konvoka entidade sira seluk hodi partisipa iha reuniaun sira CA-FDCH nian, maibé laiha direitu ba votu, no sempre konsidera katak sira nia partisipasaun neê relevante.
- d) CA-FDCH bele deit delibera bainhira direitu votu mai husi metade husi ninia membru sira neêbé partisipa.
- e) CA-FDCH delibera liu husi maioria simples husi ninia membru sira neêbé presente, Prezidente maka iha votu qualidade.
- f) Karik falta, auzénsia ka impedimentus ruma husi Prezidente, Prezidente designa ninia substitutu entre restante membru sira CA-FDCH nian.
- g) Deliberaun sira CA-FDCH nian fundamenta no hakerek iha ata, neêbé elabora husi Diretór Ezekutivu.

Secretariado Técnico do Fundo

Haktuir iha artigu 8.o Dekretu-Lei n.o 13/2020, 15 Abril, ba ezersísio kompeténsia CA-FDCH nian, CA-FDCH hetan apoiu husi Secretariado Técnico do Fundo de Desenvolvimento do Capital Humano, designadu nudár Secretariado Técnico.

Secretariado Técnico nudár servisu apoiu neêbé integra iha estrutura orgánika Ministériu Ensinu Superiór, Siénsia no Kultura (MES-CC).

Regula iha artigu 9.o Dekretu-Lei hanesan, kompeténsia Secretariado Técnico nian maka hanesan tuir mai neê:

- a) Presta apoiu tékniku no administrativu ba CA-FDCH.
- b) Koordena, akompaña no avalia teknikamente programa bolsa estudu hotu-hotu neêbé destinadu ba ema hirak neêbé laiha vinkulu ba Administrasaun Pública.
- c) Artikula ho Komisaun Funsun Pública (CFP) no ho Insti-

tutu Nasionál Administrasaun Pública (INAP), finansimentu no implementasaun ba programas no projetus formasaun funcionárius públikus, no mós akompaña no monitoriza programa no projetu sira neê.

d) Asesora teknikamente CA-FDCH iha avaliasaun ba relevánsia projetu sira neêbé atu desenvolve, no mós kona-ba nesiedade sira kona-ba ninia implementasaun.

e) Koordena no apresia preliminarmente projetu sira neêbé propostu ba Fundu no submete ba apresiasaun CA-FDCH nian.

f) Elabora programa no projetu sira neêbé aprova husi CA-FDCH.

g) Desenvolve mekanismu nesásiu sira ba definisaun projetu sira kona-ba bolsas estudu no formasaun téknika iha rai-laran no iha estranjeiru.

h) Promove elaborasaun ka revizaun ba lejislasaun aplikável iha matéria bolsas estudu nian.

i) Koordena prosedimentu sira ba abertura konkursu, selesaun pur méritu, atribuisaun bolsas, no mós prosedimentu seluk neêbé prevista iha lejislasaun sira neêbé aplikável iha matéria bolsas estudu.

j) Promove elaborasaun ka revizaun ba lejislasaun neêbé aplikável ba bolseiru sira, ho objetivu atu inkorpora mekanismu sira ba akompañamentu no forma sira ba avaliasaun ba sira nia atividades.

k) Presta ka fó apoiu ba CA-FDCH iha opsaun sira ba finansimentu investimentu públiku iha formasaun no desenvolvimentu rekursus umanus nasionais.

l) Desenvolve prosedimentu sira neêbé garante seguransa iha negosiasaun no asinatura akordus, programas no projetus plurianuais.

m) Elabora relatóriu sira prestasaun kontas kona-ba ezekusaun programas no projetus Fundu nian.

n) Mantém arkivu ida ba atas reuniaun CA-FDCH nian.

o) Hala'o tarefa sira seluk neêbé determina husi lei, regulamentu ka determinasaun husi superiór.

Estabelese iha artigu 10.o Dekretu-Lei hanesan, Secretariado Técnico diriji husi Diretór Ezekutivu FDCH, nomeadu liu husi rejimi komisaun servisu, tuir Lei, ho durasaun mandatu tinan 4, renovável dala ida deit ho períudu neêbé hanesan.

Artigu 12.o Dekretu-Lei n.o 13/2020, 15 Abril, prevé estrutura orgániku-funsiunál Secretariado Técnico nian hanesan tuir mai neê:

- a) Diresaun Nasionál ba Planu, Peskiza, Monitorizasaun no Fiskalizasaun;
- b) Diresaun Nasionál ba Koordenaun no Ezekeusaun Programas no Projetus no Jestaun ba Sistema Informasaun;
- c) Diresaun Nasionál ba Servisus Pagamentus;
- d) Diresaun Nasionál ba Administrasaun, Finanzas no Rekursus Umanus; no
- e) Diresaun Nasionál ba Aprovizionamentu.

Diresaun Nasionál sira diriji husi Diretór Nasionál, tuir rejimi kargus direaun no xefia administrasaun pública no imediatamente subordina ba Diretór Ezekutivu.

**"" Ema hanesan rikeza Nasaun nian,
ema sai hanesan fatór sentrá ba dezentvolvimentu nasionál,
ita iha rekursu naturais barak nune'e persiza ema atu atu jere,
ema mak importante,
atu ita produs liu husi
""Fundu Dezentvolvimentu Kapital Umanu"".**

**S.E. Sr. Longuinhos dos Santos, M.M
Presidenti CA-FDCH
Ministro Ensino Superior Ciência e Cultura**



Membru Permanente CA-FDCH



S.E. Sr. Fernando Hanjam
Ministru Finanzas



S.E. Sr. Manuel d. C. Cárceres
Ministru Justisa



S.E. Sr. Victor da Conceição Soares
Ministru Petróleu no Minerál



S.E. Sr. Alarico do Rosário
SEFOPE

**""Sidadaun ida-idak ho nia planu ida
ba moris, ho matadalan ne'ebe klaru
no akonsellamentu adekuada kona-ba
oportunidade ba edukasaun, formasaun no
diferente opsan profesional""**

**(Taur Matan Ruak, Discurso do 1º Ministro - Tomada de
Posse 22 - 06 -2018)**

